



Minister Geoffrey Wever ta adverti di caos si pompstation stop di acepta carchi di banco



Pagina 4

- **Dia 1 di maart ta cuminsa campaña nacional pa conscientisacion den trafico**

Pagina 3

- **Plan di Alivio pa Adul-tonan Mayor y nan famia**

Pagina 2

- **Aruba nombra como e isla mas "safe" den Caribe**

Pagina 6

Gihae Gymnastics lo ta competi-endo na Gasparilla Classic 2024 na Tampa



Pagina 17

Noruega ta rechasa renobacion di tratado di impuesto cu Corsou



Pagina 8

St. Vincent ta sostene ley nan cu ta criminalisa sexo gay



Pagina 11

Fundacion Contra Violencia Relacional buscando boluntario pa proyecto di Aruba Doet

Mediante un anuncio Fundacion Contra Violencia Relacional (FCVR) ta solicita ayudo di comunidad cu por colabora den e proyecto di Aruba Doet cu lo tuma luga na maart di e aña aki.

Manera ta conoci, Aruba Doet ta bay tuma luga e dianan diabierna 15 y diasabra 16 di maart 2024, CEDE Aruba en cooperacion cu Oranje Fonds ta organisa Aruba Doet, e accion boluntario mas grandi na Aruba. ARUBA DOET a cuminsa na aña 2013 bou iniciativa di Oranje Fonds. Bou nombrenan di NL Doet, Aruba Doet, Bon Doet, Cura Doet, Statia Doet, Saba Doet y SMX Doet, e seis iniciativa nan aki ta pone trabou boluntario den spotlight y stimula tur hende pa pone man na obra pa un of parti di dia. Asina Oranje Fonds hunto cu miles di organisacionnan social y partnernan manera

CEDE Aruba ta organisa e accion boluntario mas grandi den Reino.

Pa e motibo aki, FCVR tambe ta participando den e proyecto aki caminda nan ta den proceso pa establece un "Thrift Store", cu ta bay haci uso di dos ruimte. Un ruimte pa e tienda y e otro ruimte pa deposito. E dos ruimte aki, mester wordo opgeknap, kieren: Haci nan bashi, haci nan limpi y finalmente verf y drecha algun tema chikito, por ehemplo, blafon, luz, etc. En bista cu ta trata di dos ruimte y e cantidad di oranan ta 5, ta limita, p'esey nan a calcula cu ta bay tin mester di en total 10 persona pa haci e trabou, manera nan ta segura. Pa mas informacion di colaboracion por tuma contacto cu Fundacion Contra Violencia Relacional su Facebook Page. Boluntarionan ta e motor tras di hopi organisacionnan social. Cu Aruba Doet, CEDE Aruba y Oranje Fonds ta



demonstra con importante ciudadanonan activo ta pa comunidad. Banda di esey ARUBA DOET ta aporta na e bon imagen di trabou boluntario y ta ilustra con dushi esaki por ta. Oranje Fonds ta e fondo mas grandi riba tereno social y ta demonstra e miho parti di Reino. Pa aña Oranje Fonds ta inverti mas o menos €30 miyon den organisacion y

iniciativanan cu ta reforsa e lasonan social na Hulanda y e parti Caribense di Reino. Rey Willem-Alexander y Reina Maxima ta e pareha protector di e fondo aki. Bishita www.oranjefonds.nl pa mas informacion. CEDE Aruba ta un organizacion cu ta duna sosten na desaroyo y co-financiamiento di programa y proyectonan den sector social. E programa

y proyectonan aki ta wordo introduci y realisa pa non-governmental organizations (ngo's). Na Aruba tin hopi NGO's cu ta haci nan esfuerso pa mehora e facilidadnan social pa comunidad. CEDE Aruba ta yuda NGO's cu desaroyo y financiamiento di tur sorto di proyecto duradero. Bishita www.cedearuba.org pa mas informacion.

Plataforma Permanente Pa Adul-tonan Mayor

Plan di Alivio pa Adul-tonan Mayor y nan famia

Hopi no sa, pero na e momento aki tin un grupo di no menos cu 24 instancia local trahando hunto pa trece alivio pa nos adul-tonan mayor y nan famia. Minister di Asun-tonan di Adulto Mayor y tur 24 instancia den e dialogo nacional permanente aki ta convenci cu Aruba por brinda un miho calidad di bida na nos grandinan. E nivel actual di calidad di bida di nos grandinan no ta adecuado. Aruba por organisa esaki miho. Pa logra esey a cuminsa desde october aña pasa cu un proyecto nacional.

Meta ta pa comparti e fruta di tanto progreso di Aruba cu tur nos grandinan. A pesar di tanto progreso cu Aruba a conoce pa hopi aña, e calidad di bida di nos grandinan a keda atras. Tur hende ta di acuerdo cu un situacion asina no por sigui. Trahando hunto nos por cambia esaki y cambio ta necesario. Na october 2023, 24 instancia a scoge pa den un forma colectivo define, planea y coordina tur loke mester sosode pa trece un cambio positivo pa nos grandinan. Den e proyecto aki a reparti e 24 instancianan den 3 grupo di trabao tratando e temanan di enbe-



hecimiento activo, cuido na cas y cuido pa medio di un instancia. Cada grupo ta traha na identifica problema y propone solucion.

Na principio di siman min-

ister Arends di Asun-tonan di Adulto Mayor a ricibi actualidad di e 3 ekipo. Aki por a constata cu e entusiasmo cu cual a cuminsa e proyecto aki pa yuda nos adul-tonan mayor no a cambia. E trabao di

e plataforma permanente ta canando segun plan y cu gran sentido di responsabilidad.

"Aruba por ta hopi orguyoso di su profesionalnan. Tur a sali pa duna un man y e biaha aki nan kier mira resultado concreto. Mescos cu mi nan tambe ta bisa cu den lachi no tin luga pa mas rapport. Ningun hende kier mas rapport. Nos mester un checklist, un punchcard, un mapa cu na un forma facil ta bisa nos kico pa haci pa move cos y trece cambio. Mi ta hopi contento cu nos tur ta pensa igual," Minister Arends a menciona.

Hopi trabao a wordo haci desde e prome Foro Nacional pa Adulto Mayor cu a tuma luga 17-18 di october 2023. Hunto a yega na un inventario extenso di e temanan cu tin impacto negativo riba nos grandinan. Alabes y sin perde tempo e gruponan a cuminsa sondea tambe posibel solucionnan. Meta ta pa presenta solucion concreto y realistico y cu por wordo ehecuta a corto plaso.

"Unico exigencia cu mi a pidi di nan ta pa presenta solucionnan concreto y realistico. E plataforma ta permanente hustamente pasobra ta nan mes lo percura pa monitor

cu e solucionnan ta wordo financia y ehecuta," Minister Arends a enfatisa.

Esaki ta un esfuerso nacional y e urgencia ta evidente. Riba hopi tema no por warda mas. Contrario na esfuerstonan den pasado, e trabao di e Plataforma permanente pa Adul-tonan Mayor no ta caba cu e finalisacion di un rapport. Hunto nan tambe ta traha pa implementa e plan di alivio pa adul-tonan mayor y nan famia. Esfuerzo colectivo, di henter nos comunidad, biniendo hunto den dialogo sano y abierto.

"Den pasado esfuerstonan aki a kibra pasobra tin tendencia di fragmenta. Esey ta ora un of otro instancia no por traha como parti di un colectivo y ta tuma un ruta independiente. Ora nan haci esey nan ta kibra e grupo y e grupo ta perde forza. E biaha aki nos lo haci tur lo posibel pa enfatisa cu cambio ta posibel solamente ora nos traha hunto," Minister Arends a remarca. E prome resultadonan di trabanonan di e plataforma permanente aki lo wordo presenta na publico den e siguiente Foro Nacional pa Adulto Mayor, cual lo tuma lugar dia 26 di maart 2024.

1 di maart ta cuminsa campaña nacional pa conscientisacion den trafico

Mediante un anuncio haci riba su red social, minister di Husticia y Asuntonan Social Rocco Tjon a informa cu 1 di maart ta cuminsa e campaña nacional pa conscientisacion den trafico debi cu cifranan di accidente di trafico ta hopi alarmante.

A base di palabracionnan haci cu Alto Comisario Ramon Arnhem como tambe Alto Comisario Suplente Robert Candelaria, a tuma e decision pa bin cu mas vigilancia pa loke ta trafico na unda ministerio di Husticia y Asuntonan Social ta bay lansa un campaña nacional di conscientisacion di siguridad di trafico pa henter aña 2024, manera a ser anuncia na december ultimo.

Manera ta conoci, Aruba ta conoce hopi accidente di trafico, y a base di cifranan cu a ricibi, esaki a indica di ta stabiel, pero demasiado. Sinembargo, aun asina e ta alarmante, pa cual motibo a reuni cu alto comisario suplente Candelaria, y tambe cu alto comisario sr. Arnhem, caminda a tuma e decision pa aumenta visibilidad di parti di Cuerpo Policial y ademas, ta bay percura pa tin mas unidad riba caya, pa asina por atende cu e diferente situacionnan, entre otro di trafico, na un manera mas agil.

“Di parti di Ministerio di Husticia y Asuntonan Social, ta haci un apelacion na nos comunidad, pa ta hopi mas



cauteloso den trafico. Ta pidi pa cada persona tuma nan propio medidanan di siguridad pa asina evita cu por keda involvi den un accidente di trafico,” minister Tjon a destaca.

Pa e motibo aki, ta bay lansa e campaña nacional pa eleva e siguridad den trafico y tambe ta bay introduci diferente medidanan pa asina cubri e parti di siguridad.

Di igual manera, minister Tjon ta trece dilanti un punto di preocupacion pa loke ta trata di garantisa siguridad den trafico semper tabata e parti cu Cuerpo Policial a indica, cu no tin suficiente espacio pa por kita autonon for di caminda. Pa e motibo aki, na januari ultimo a aproba henter e proceso cu a ser ini-

cia for di aña pasa, for di un comision multidisciplinario tambe, pa yega na un destaho pa por apunta un tercer partido cu ta bay encarga cu ful e parti aki.

E proyecto aki ta consisti di tres fase, e prome fase ta pasa un compania por garantisa cu tin suficiente takelwagen 24 ora pa dia, pa asina cada bes cu Cuerpo Policial tuma nota di un auto cu no tin seguro of no ta cumpli cu e rekisitonan, por ser kita for di caminda y hiba esaki na un sitio caminda e compania lo ta esun responsabel pa maneha e parti aki.

E di dos fase ta cu e compania aki mester dispone di un terreno grandi suficiente caminda por ubica tur e vehiculonan

aki y di e forma aki no tin mester di pone e vehiculonan aki mas na warda di Polis cu tur e consecuencia cu esaki ta trece cune.

E tercer fase ta cu e compania aki, den cooperacion cu Cuerpo Policial y bou autoridad di Cuerpo Policial mester por maneha ful e parti administrativo y garantisa siguridad di e pertenencianan pero tambe percura pa e pagonan haci pa cada dia cu un vehiculo cu ta staciona eynan.

Di e forma aki lo keda traha riba cada aspecto pa garantisa y eleva siguridad den trafico. Un fenomeno cu ta causa hopi molester pa e ciudadanonan, pero cu lo ta hayando tur su debido atencion, manera minister Tjon a men-

ciona
Manera ta conoci den cuadro di eleva siguridad den trafico pero alabes facilita trabounan di Cuerpo Policial pa loke ta kita vehiculonan cu no ta cumpli cu tur rekisito for di caminda, a inicia e proyecto di “bewareing, opslag en takel-diensten KPA”.

For di 19 di februari te cu 23 di februari tur interesado por haya tur documento relata na e proyecto aki na Centro di Husticia Macuarima.

Alabes por informa cu 6 di maart 2024 lo tene un reunion informativo na Cuerpo Policial pa tur interesado. Pa despues riba 20 di maart e destaho publico tuma luga.

Pa e topico aki algun usuario di rednan social a trece dilanti nan opinion tocante e tema aki caminda un di nan a sigura por ehemplo cu “mester tin un tereno special pa pone e autonon aki te dia nan doño bin paga nan debe si ta di pone nan riba otro lo haci e con cu para e vehiculo nan aki tin doño.”

Pa otronan e solucion ta algo mas sostenibel, “reduce and recycle them” y tambe otro persona ta señala cu no ta solamente autonon sino busnan cu tambe ta para riba cierto camindanan y manera a sigura, no tin suficiente espacio pa por kita nan, awor un proceso ta bay cuminsa pa asina un tercer partido por encarga cu e parti aki.



Minister Geoffrey Wever:

“E ta un situacion cu lo trece un caos si e gasolin stacionnan dicidi di no acepta carchi di banco mas”

Manera ta conoci, na comienso di februari tabata circula e noticia cu pomp stacionnan lo stop di bende e servicio di coriente pe-pago a clientenan di Elmar. Esaki pa motibo cu tin cierto mal contento for di algun tempo caba door di stacionnan di gasolin pa loke ta trata nan gastonan.

Asociacion di Gasolin Dealers di Aruba (AGDA) a splica a traves di un comunicado di prensa cu e decision unanimo, pero lamentabel cu nan a haya su mes pa tuma dia 1 di februari 2024, no tabata un decision facil, pero si uno necesario.

AGDA ta indica cu desde 2017 pa awor e gastonan pa yuda ELMAR cu e benta di coriente pre-pago ta sigui aumenta sin cu ELMAR ta tuma nota di esaki, a pesar cu AGDA continuamente a acerca ELMAR pa discuti esaki. Nan ta señala cu mientras ELMAR continuamente ta ahusta su prijsnan a base di cu e prijs di crudo ta subi of algo otro, AGDA su miembronan no tin e luho ey paso ta gobierno ta dicta e margen di nan ganashi.

Den bista di esaki diahuebs 1 di februari mediante un comunicado di prensa ELMAR a informa cu nan a introduci un opcion di pago adicional via e app di Pay.Aw di SETAR, cual tin como meta pa brinda mas conveniencia na e clientenan cu ta prefera transaccion online.

E lansamento di pago via Pay.



Aw tabata un introduccion di forma extra di pago, na banda di e dos formanan di pago existente cual ta na sucursal di ELMAR y na stacionnan di gasolin rond di Aruba, “e introduccion aki no tabata tin como intencion pa reemplasa e otro formanan di pago existente,” e compania estatal a subraya.

PR di ELMAR, Audrey Croes a sigura na Bon Dia Aruba cu “ELMAR no a scoge pa termina e servicio di pago na gasolin stacion, AGDA a suspender e servicio aki sin notificacion previo. ELMAR a introduci un alternativa nobo di servicio di pago pa nos clientenan cu ta prefera transaccion online, e intencion tabata pa esaki bira un opcion di

pago pa nos clientenan.”

Recientemente ELMAR a anuncia cu despues di busca un solucion pa e situacion tenso, specialmente pa e clientenan cu ta prefera di haci e transaccion aki personalmente y no a traves di e aplicacion, algun pomp stacion a reanuda e servicio di benta di coriente pre-pago, pero solamente den forma di pago efectivo.

Dialuna ultimo Minister di Economia, Comunicacion y Desaroyo Sostenibel, Geoffrey Wever a tene un conferencia di prensa na unda el a ricibi pregunta for di miembro di prensa ariba e situacion entre ELMAR y e pomp stacionnan y con e ta mira e

hehco cu ta permiti pa usa solamente pago efectivo pa e servicio di coriente pre-pago.

E mandatario a splica cu e margen di ganashi di e doñonan di pomp stacionnan ta maximilisa ya cu ta Gobierno di Aruba ta bisa cuanto ta e porcentahe maximo cu nan por gana den cada transaccion. Esey ta nifica cu na momento cu gastonan subi, por hemplo gastonan externo subi, nan no tin espacio pa aumenta nan prijs, locual na su turno ta nifica cu e aumento di gastonan externo come completo den nan ganashi.

Na mesun momento el a subraya cu e e no por ni bisa cu ta un ganashi pasobra “nos sa cu e gasolin stacionnan no tin hopi ganashi, ta mas tanto den nan gastonan operacional esaki ta come y ta basicamente haci nan modelo un modelo negativo.”

El a señala cu den e caso aki, e banconan a aumenta nan fee y esey kiermen cu door cu e pomp stacionnan no por aumenta e prijs nan no lo por sigui ofrece e transaccionnan a traves di caarchi di banco, locual por trece chaos den e mercado.

“Mi a menciona esey varios biaha y esey ta nifica cu lo bin un chaos den e mercado pasobra nos tur ta usa gasolin, y bo ta bay hayabo cu transaccion cash y como conse-

cuencia cu ta bin inseguridad cune pasobra tin hopi placa den circulacion, bo por hasta pensa den direccion di atraconan, etc. E ta un situacion cu lo trece un chaos si e gasolin stacionnan dicidi di no acepta caarchi di banco mas,” Minister Wever a subraya.

El a bisa tambe cu cu segun el a scucha den medianan di comunicacion, cu ta protehendo of yudando e banconan pa garantisa e estabilidad di e pomp stacion.

E mandatario a splica cu aworaki prijs a subi, por hemplo den gasolin el a aumenta cu 8.4 cent y e aumento den e parti cu ta relata na e transaccionnan ta di 4.1 cent. Pa loke ta diesel, e prijs di esaki ta subi cu 10.1 cent, cu ta basa riba e desasoyo di prijs internacional, y e 4.1 cent ta door di aumento di tarifa di transaccion.

El a agrega cu calculacionnan a wordo haci door di Departamento di Asuntonan Economico y ora e decision “temporal” aki mester a wordo tuma y aworaki ta wak kico otro por haci.

“E ta un situacion hopi fastioso, pero nos mester a tuma e decision aki pa garantisa cu no ta bay tin chaos den e mercado,” Minister Wever a indica.



Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion
noticia@bondia.com

Pilar Flores (hefe di redaccion)
Angenette Figueroe (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta
sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Awe ta Dia Internacional di Lengua Materna



Awe diferente parti di mundo ta celebra e Dia Internacional di Lengua Materna. E fecha aki a ser proclama pa e Conferencia General di Organizacionnan Educativo, Cientifico y Cultral di Nacionnan Uni (UNESCO) na November 1999. E idea pa celebra Dia Internacional di Lengua Materna tabata un iniciativa di Bangladesh. E Asamblea General di ONU a acepta e proclamacion di e dia den su resolucion na aña 2002.

Dia 16 di Mei 2007 e Asam-

blea General di ONU den su resolucion a yama na e Estadonan Miembro "pa promove preservacion y proteccion di tur idioma usa pa pueblonan di mundo". Doir di e mesun resolucion, e Asamblea General a proclama 2008 como e Aña Internacional di Idiomanan, pa asina promove unidad den diversidad y comprendemento internacional, pa medio di multilinguismo y multiculturalismo y a nombra e Organizacion Educativo, Cientifico y Cultural di Nacionnan Uni (UNESCO) pa sirbi manera e agencia lider pa e aña ey.

Awendi tin un aumento di conscientisacion cu idiomanan ta hunga un papel importante den desaroyo, pa sigura diversidad cultural y dialogo intercultural, pero tambe pa reforsa cooperacion y logra un educacion di calidad pa tur hende, pa construccion di sociedadnan di conocimiento inclusivo y preservacion di herencianan cultural, y pa mobilisa boluntad politico pa aplica e beneficinan di ciencia y tecnologia na desaroyo sostenibel.

Sociedadnan multilingual y multicultural ta prospera pa medio di preservacion di nan idiomanan, cu ta sirbi manera e caminda pa conocimiento tradicional y herencia cultural. Sinembargo, diversidad di idioma ta enfrenta menasan cada biaha mas grandi mientras cu mas idiomanan ta disparece.

Segun Nacionnan Uni, aworaki 40% di e poblacion global no tin acceso na educacion den nan idioma nativo, un cifra cu hasta pasa 90% den algun region.

Investigacion di e organizacion ta subraya e beneficinan di usa idiomanan nativo di e studiantenan den educacion estimulando miho resultadonan di enseñansa, autoestima y habilidadnan di pensamiento critico.

Dia Internacional di Lengua Materna ta subraya e papel di idiomanan den promocion di

inclusion y alcance di Meta di Desaroyo Sostenibel (SDG). Politicanan di educacion multilingual, enfatisa den e tema di e aña aki pa e celebracion di Dia Internacional di Lengua Materna: "Educacion multilingual – un pilar di enseñansa y aprendisaje intergeneracional", ta esencial pa educacion inclusivo y preservacion di idiomanan indigena.

Nacionnan Uni ta subraya e importancia di educacion den idioma Materna di e estudiante y e introduccion gradual di otro idiomanan, pa asina ta kita bareranan entre cas y scol, facilitando enseñansa efectivo. Educacion multilingual no solamente ta promove sociedadnan inclusivo, pero tambe ta yuda cu e preservacion di idiomanan no-dominante, minoritario y indigena.

Dia Internacional di Lengua Materna ta un ocasion pa muestra riba e importancia cu e idioma nacional, Papiamento, tin. E ta un elemento hopi importante cu ta uni un pueblo y den e caso di Aruba e ta extende te pafo di e frontera, ya cu Aruba ta comparti esaki cu e pueblonan Corsou y Boneiro. Ademas di esaki den exterior tambe un grupo considerable, principalmente na Hulanda, ta comparti cu e conocimiento di e idioma Papiamento.

Den e transcurso di añanan Papiamento a registra logronan importante pa consolida Aruba su idioma Materna, manera e oficialisacion di Papiamento banda di Hulandes.

A pesra di logronan asina importante, no por tapa wowo y ignora e temor cu poco poco futuro generacionnan ta bay ignora e importancia di e idioma materno di Aruba. Tecnologia, television, musica, entre otro, tin un influencia riba e generacion cu ta bin na unda hopi biaha e mucha- y hobennan no ta comunica den e idioma materno, pero ta scoge pa usa e idioma popular Ingles.

Na esaki mester agrega cu Aruba ta un isla cu turismo como pilar economico, locual ta hiba tambe cu Ingles ta un idioma importante.

Ta primordial pa enfoca ariba e futuro di e lengua materno di mayoria y loke ta desea di logra den e añanan benidero.





Cuminsando cu 4 florin, bo por gana e suma grandi aki

Afl. **450.000,-**

Obtenibel na cualkier rebendado di Lotto.

sorteo ta awe nochi 7:45 pm



HUNGA AWO



Aruba nombra como e isla mas “safe” den Caribe

Recientemente den e medio di comunicacion internacional The Telegraph UK, Merca, a emiti un aviso di biahe na biaheronan tocante e seguridad pa bishita e islanan Jamaica y Bahamas, mirando e estadisticanan di crimen halto na ambos pais. Den e ranking aki Aruba a keda nombra como e destinacion di mas sigur den Caribe pa biaheronan.

Manera ya ta conoci, Merca ta emiti avisonan di biahe regularmente pa e biaheronan cu ta basa riba estadisticanan di crimen y e tipo di crimen cu ta sucede na cada pais. A base di e estadisticanan aki Aruba a sali den e posicion number uno como e isla di mas sigur den Caribe. Esaki ta debi na cu per capita Aruba su cifranan di criminalidad ta mas abao compara cu e demas islanan den Caribe.

Den e articulo titula “Is it safe to visit the Caribbean? Essential advice for Holidaymakers,” Merca ta emiti un advertencia di nivel 3 pa Jamaica debi na e cantidad di crimen violento cu bishitantenan ta experiancia. Pa loke ta trata Bahamas a emiti un advertencia di nivel 2, cual ta indica pa tene mas precaucion debi na e menasa cu tin pa posible delitonan violento.

Minister di Husticia y Asuntionan Social, Rocco Tjon, ken a publica tocante e noticia aki ariba rednan social, a menciona cu den un estudio conduci pa ATA, estadisticanan a demostra cu 98% di bishitante a indica cu un di e motibonan principal pa bishita Aruba ta pa motibo di seguridad.

A base di e cifranan aki, a instala recientemente e ekipo di Tourism Security Patrol Aruba, cual


ta consisti di 15 persona cu a sigui varios training riguroso na diferente companianan di seguridad como tambe na Cuerpo Policial mes. Cada un ta ekipa cu material pa traha rapport, bodycam, flashlight, bicicleta electrico y mas, manteniendo orden publico den areanan turistico riba nos isla.

El a agrega cu banda di esaki, seguridad na frontera tambe a avansa y ta sigui avansa, danki na e radarnan cu a wordo instala, pero tambe na e strategisch grensoverleg, caminda diferente departamentonan hudicial ta trahando cu otro pa asina garantiza seguridad na nos frontera.

Por ultimo, el a menciona e proyecto di camara di seguridad como un adiccion na e aporte pa loke ta trata seguridad na Aruba.

Most dangerous and safest countries in the Caribbean

Rank	Country	Safety Index (out of 100)
1	Aruba	90
2	British Virgin Islands	89
3	Barbados	80
4	Dominica	80
5	Grenada	80
6	Curacao	80
7	Anguilla	70
8	Montserrat	70
9	Saint Kitts and Nevis	70
10	Saint Lucia	70
11	Suriname	62
12	Jamaica	55
13	Dominican Republic	54
14	Cayman Islands	50
15	Bahamas	49
16	Cuba	47
17	Trinidad and Tobago	43
18	Guyana	43
19	Belize	43
20	Haiti	42
21	Puerto Rico	34



Parlamentario Aquanette Gunn (MAS) cu varios pregunta pa Minister Geoffrey Wever riba e fenomeno di aumento di prijs di gasolin

A traves di Presidente di Parlamento, miembro di fraccion di partido MAS, Aquanette Gunn a haci un serie di pregunta na Minister di Asunto Economico, Comunicacion y Desaroyo Sostenibel, mr. Geoffrey Wever pa loke ta trata e fenomeno di aumento di prijs di gasolin.

E Parlamentario a indica cu durante e ‘Encuentro Publico’ nr. 4, cu a tuma luga dia 14 di februari, Minister Wever a elabora tocante e motibo p’e aumento di prijs di gasolin.

E mandatario a indica cu e aumento aki no ta debi solamente door di e desaroyo di e prijs di crudo internacional, pero cu e biaha aki tin un componente adicional cual t’e gastonan bancario cu e doñonan di ‘pompstation’ ta haya nan confronta cu ne.

E comerciantenan a indica cu pa cada transaccion bancario, banco ta cobra entre 3 pa 4%. E doñonan a expresa cu e gastonan aki lo ta funesto pa nan, debi n’e hecho cu ta gobierno ta determina nan ganashi. Y cu den nan caso, e gastonan bancario aki no por pasa p’e clientela y cu nan tin cu suprimie. Esaki lo trece como consecuencia cu e comercian-

tenan lo bati bancarota of no lo acepta e carchinan di banco mas.

E mandatario a indica cu e situacion ta uno hopi dificil y cu riba 13 di februari su persona a firma un ‘Ministeriële Regeling’ na unda un parti di e ahustacion ta pa suprimie e gastonan bancario cu e comerciantenan a haya nan confronta cune.

Den cuadro pa haya mas claridad riba e disertacion di e mandatario Wever den Parlamento tocante e asunto di aumento di prijs di gasolin Parlamentario Gunn ta haci uso di su derecho pa haci e siguiente preguntanan.

1. Minister por informa Parlamento den detaye ki porcentahe/cuanto cen di e aumento di e diferente productonan deriva di petroleo (gasolin/diesel/kerosin) a keda asigna n’e Asociacion Aruba Gasoline Dealers?

2. Minister por informa Parlamento a base di cua articulo di cua Ley e banconan ta cobra e porcentahe aki na comercio?

Minister a declara den un entrevista na un medio di comunicacion cu si e pompstationnan lo a bay over na cash, esaki lo a crea un caos completo, p’esey Gobierno a dicidi di duna nan

e aumento adicional pa loke t’e gastonan di banco.

3. Minister por elabora mas detaya dicon su persona ta di opinion cu si e comerciantenan di gasoline station bay over na cash esaki lo crea un caos completo?

4. Minister por informa Parlamento kico ta su pensamento p’e posicion di e Asociacion di Banconan tocante nan decision imponi riba comercio?

5. Minister por informa Parlamento si su ministerio lo haci un estudio profundo cu tur e actornan involvi (e.o: asociacion bancario, asociacion di e gasoline dealers y gremionan comercial) con lo por yega na un miho decision pa HENTER comunidad y no simplemente suprimie e gastonan cu banconan a impone riba comercio?

6. Minister por informa Parlamento pa cuanto tempo e ‘Ministeriële Regeling’ firma dia 13 ultimo lo keda vigente?

7. Minister por comparti cu Parlamento e ‘Ministeriële Regeling’ cu su persona a firma riba 13 di februari 2024?

Minister a duna di conoce cu e banconan a switch via un plata-

forma internacional y e banconan a haya nan confronta cu dicho gastonan. Ademas ta un echo cu ora tin aumento den e prijs di gasolin/diesel esaki lo refleha den e prijsnan (comercio).

Den caso di comerciantenan di gasoline stations nan no tin e libertad di traspasa e gastonan bancario p’e clientela, pero e demas comerciantenan si tin e opcion ey (Free Enterprise)! Pues den e caso aki nos por considera e gastonan bancario di entre 3 a 4% y e aumento di prijs di combustibel como un dobel inflacion. Pues sea e consumidor dicidi di paga cash of swiipe den por chempel un supermercado ya e comerciante a sa di traspasa e gasto specifico aki den e prijs di e productonan.

8. Minister por informa Parlamento desde ki tempo e gastonan bancario di entre 3 a 4% cada bes cu e cliente swiipe a drenta na vigor?

9. Minister por informa Parlamento kico lo ta su plan di accion relaciona cu e desaroyo aki, pa asina trata di mitiga e impacto negativo mas ainda den e forsa di compra bou nos Pueblo, irrespecto di e echo cu nos tin un mercado liber?

Parlamentario Gunn ta sumamente preocupa p’e fenomeno aki, debi n’e echo cu na final un biaha mas, t’e pueblo t’esun cu ta absorba e gastonan adicional. Esaki tin un impacto negativo mas ainda den e forsa di compra di nos Pueblo!



HOH ta comparti cifranan di luna di januari 2024

Ocupacion di cama tabata na 99,9%

Na luna di januari Horacio Oduber Hospital a comparti un compilacion di loke tabata aña 2023 y awo den cuadro di transparencia y informacion nos ta sigui brinda e cifranan di HOH pa loke ta luna di januari 2024. Asina nos como HOH ta duna comunidad di Aruba un indicacion di loke ta cuida, e parti diagnostico y tambe donacion di sanger.

Na januari 2024 a hospitalisa 882 pashent cu ta mas halto cu na luna di december (819 pashent) pero ta similar na luna di november 2023. Tambe loke por compara ta e operacionnan cu a tuma luga, esta na luna di januari 540 pashent a wordo opera y na december 2023 tabata 397 operacion y na november e tabata 566 operacion. Por mira un reduccion den e cifranan pa loke ta admision y tambe operacion na luna di december y un di e motibonan tras di esaki ta cu camber di operacion ta tuma anualmente un receso fin di aña, pues menos operacion ta tuma luga durante luna di december y consecuentemente menos admision tambe ta tuma luga.

Loke si ta alarmante y a haci esaki conoci den comunidad ta e ocupacion di cama cu na januari tabata 99,9%. Na november 2023 e tabata na 79% y december 89,7%. A anuncia na januari cu Hospital ta hopi yen di pashent y hasta por yega na cancela operacionnan cu ta planea mirando cu semper mester mantene cama habri pa casonan di emergencia y esaki por mira bek awo den e cifra di ocupacion di cama.

A nace un total di 75 baby na januari cual ta 3 baby menos cu na luna di december. Y na januari Bloedbank Aruba a ricibi un total di 196 donacion di sanger.

Departamento di Emergencia a mira na januari un total di 2953 pashent cual ta menos cu na december cu tabata 3262 pashent.

Specialistanan den servicio di HOH a haci un total di 6675 consulta cu pashent cu ta mas halto cu na december (5657 pashent). Esaki tambe tin di haber cu e dianan di fiesta di fin di aña. Departamento di Radiologia a haci un total di 5145 test manera CT scan,



MRI y mas. E cifra aki ta mas halto cu na december (4122) y tambe mas halto cu na november (4651). Un total di 12272 persona a bishita LAB-HOH pa haci nan test cual

ta mas halto cu na december (9120) y tambe november (11453). Y na januari un total di 841 pashent a sali for di Hospital. Pues por mira cifranan di

januari completamente diferente cu na december den varios area, pero tambe claramente por mira con yen Hospital tabata na luna di januari.

Stichting HUNTO ta un realidad



Dia 15 di februari ultimo, a tuma luga inauguracion di e edificio di Stichting HUNTO na Dakota. Pa hopi aña caba e tabata un deseo di esnan cu ta traha den veld pa trece FMAA y SPD hunto bou di un solo dak. E apertura di Stichting HUNTO no solamente ta simbolisa e integracion di psiquiatria, psicologia y tratamento di adiccion bou di un solo dak, pero tambe e ta muestra di e compromiso colectivo pa kibra e barenan existente pa cu esakinan.

accesibilidad pa servicionan di salud mental y ta yuda baha e lista largo di espera cu tin sigurando cu e yudansa ta disponibel pa esnan den necesidad na momento cu mas nan tin mester di esaki. E edificio ta bunita, adecua y ta parti den dos: un parti pa adulto y un parti pa mucha.



E iniciativa aki ta mehora e

BIG 4
BO CHENS DI GANA MAS!
MULTI-X

PICK 4: Af. 5.000,- (x2), Af. 10.000,- (x3), Af. 15.000,- (x5)

PICK 3: Af. 700,- (x2), Af. 1.400,- (x3), Af. 2.100,- (x5)

* Ora un bala FP sali y bo a match e numernan, bo ta gana e premio y bo ta den wega atrobe!

www.lottoaruba.com

Gobierno ta inicia procedencia sumario contra ABVO y empleadonan di belasting

(CuraçaoChronicle) - Gobierno di Curaçao a lansa un procedencia sumario cu e sindicato di ABVO y rond di 20 empleado di e departamento 'bijzondere invordering' (coleccion special) di belastingdienst. E accion a ser tuma despues cu Minister di Finanzas, Javier Sylvania, a anuncia cu rednan social cu lo invita tur empleado na un almuerzo cu a tuma luga na Wind Creek Resort.

E procedencia, cual tabata den plan pa ayera atardi, a existi pa e accionnan keda termina y empleadonan sigui cu nan responsabilidadnan diario. E pregunta clave den e pro-

cedencia sumario ta si e ambiente laboral ta suficientemente sigur pa empleadonan bolbe back e oficina. E corte mester determina si tin berdaderamente ningun riesgo di salud pa e empleado. E accionnan a cuminsa dia 6 di februari despues cu empleadonan a sali y a reporta na e base di operacion di ABVO a causa di formacion di beskem. A keda di acuerdo cu un compania specialisa lo limpia e oficinanan atrobe, cual a tuma luga dia 10 di februari. Tambe mester a tin un reunion cu e representantes di e sindicato dia 13 di februari pa sigui cu trabao, sigui pa e instalacion di sistema di airco nobo riba dia 16 di februari pa un miho circulacion di aire.

Sin embargo, empleadonan a reporta back na ABVO dia 13 di februari, despues di cual Sylvania a menasa cu e medidanan, incluyendo exclui e grupo di empleadonan for di pago overtime y bonus. Durante un conferencia di prensa, sindicato ABVO, NAPB, STRaF, SAP y Sitek a adverti cu Sylvania lo mester lidia cu e consecuencianan di su accionnan si e continua su comportamiento pa motibo cu e miembronan no lo acepta intimidacion, menasanan y insultonan.

President di ABVO George Hernandez a enfatisa cu e problema a surgi den comienso di augustus 2023. Apesar di limpiesa y intentonan di



investigacion, empleadonan a sigui haya beskem bao di nan mesa y stoelnan. Sylvania su rechazo di un relocacion temporario y su ordo pa tur

hende bolbe back trabao a bini como un sorpresa na e empleadonan.

Noruega ta nenga renobacion di tratado di impuesto cu Corsou

(CuraçaoChronicle) - Noruega a rechasa formalmente pa bolbe drenta negociacionnan cu Corsou pa e creacion di un tratado nobo tocante impuesto. E decision aki ta bini despues di Noruega su anuncio aña pasa cu e tin intencion di termina e tratado existente, lagando Corsou cu varios intento pa salba e acuerdo cu a fracasa.

E Minister di Finanzas, Javier Sylvania, a tuma varios iniciativa, incluyendo su participacion den conferencianan cu International Monetary Fund na Marrakesh a anfitriona. E tabata durante e conferencianan aki cu Noruega a comunica su decision di descontinua e tratadonan di impuesto aki, citando cu tin un falta di e empleadonan adecua pa suficientemente mancha e proceso aki.

E anuncianan aki a laga e Minister Sylvania cu falta di satisfaccion cu e resultado, Su ministerio, e Ministerio di Finanzas ta activamente persiguiendo e strategianan pa por atrae e mercado internacional, cu un enfoque particularmente riba atrae inversionistanan pa considera Corsou apesar di e impactonan y efectonan di e clausura di e tratado conhuntamente cu Noruega.



Ombudsman ta investigando gobierno Hulandes su lista di vigilancia pa terrorismo

(AP) - Ombudsman nacional a lansa un investigacion tocante con gobierno ta trata su lista di vigilancia pa terrorismo. Segun e Ombudsman Reinier van Zutphen, e ciudadanonan hopi biaha no ta realisa cu nan ta riba e lista, solamente ta haya sa esaki ora cu nan no por drenta un pais of ora cu nan keda aresta den exterior. Tampoco nan no sa unda pa mira sin nan a ser registra ni con pa apela esaki.

Ombudsman a ricibi alrededor di decenas di keho for di personanan cu ta sospecha cu nan ta riba e registracion di Contraterorismo, Extremismo y Radicalisacion (CTER). Si bo persona ta riba e registro aki, e polis por comparti nan informacion cu varios agen-



cia di seguridad, servicionan di investigacion y paisnan. Te ainda no ta cla si e autoridadnan Hulandes sa ki ta pasa cu nan data na momento cu nan comparti saki. Ombudsman a lansa e inves-

tigacion aki pa determina si e gobierno ta trata e data aki cautelosamente pa motibo cu no haci esaki lo tin consecuencianan significante pa e ciudadanonan. Por ehempel, e por ta imposibel pa gobierno

kita un registracion incorrecto for di e sistema di gobiernonan den exterior, resultando cu un persona semper lo ser deteni of revisa ora cu e bishita e pais aki. "Como un ciudadano, bo mester por asumi

cu e gobierno lo mancha bo data cu cautela. Especialmente si bo no ta altanto cu bo data ta ser comparti y cu ken e ta ser comparti," Van Zutphen a bisa. "Mi ta hopi preocupa tocante esaki y awo mi lo kier sa si esaki ta suficientemente garantisa."

Segun Van Zutphen, personanan cu ta sospecha cu nan tin un registracion di CTER no sa unda pa bay pa confirma esaki, sa dicon y entrega un apelacion. "Nos ta papia cu e ciudadanonan cu ta sinti cu nan ta ser manda di banda pa banda. Esaki ta inaceptabel," Ombudsman a bisa. "Tur ciudadano tin e derecho di ser scucha si nan ta sospecha cu nan derechonan ta ser viola. Y esaki ta cuminsa cu sa unda bo por bay pa esaki."

Embahador Eritreo lo no tuma responsabilidad pa e disturbionan na Den Haag

(NLTimes)—E embahador Eritreo pa Hulanda, Negassi Kassa Tekle, no ta tuma ningun responsabilidad pa e disturbionan cu a tuma luga na Den Haag diasabra anochi. El a haci esaki claro dialuna anochi. E embahador ta kere cu ta keda den man di autoridadnan Hulandes y polis pa castiga e alborotadornan y sigura pa nan adheri na reglanan.

E disturbio a surgi durante un fiesta pa Eritreonan pro-gobierno. Oponentenan di e regimen dictatorial a presenta na e fiesta y a busca pelea. Ocho polis a keda herida mientras nan a purba man-



tene e dos gruponan separa, y 13 hende a ser deteni. E dos gruponan aki sa ta directamente den oposicion di otro. Tekle ta hay'e inaceptabel pa

alborotadornan ataca polis, pero na mesun momento ta pone e responsabilidad pa aborda e alborotadornan riba e polis. E embahador ta ne-

nga cu e disturbionan diasabra ta un asunto politico. El a rechasa e idea cu e grupo cu a cuminsa e disturbionan tabata "hendenan ilegal cu sola-

mente kier causa disturbionan y preveni reunionnan Eritreo." Segun Telke, nan no ta parti di e comunidad Eritreo "aunke nan ta bisa cu nan ta." El a agrega cu e embahada no tin control riba e grupo.

A puntra Tekle si e disturbionan no a surgi pasobra e regimen dictatorial Eritreo ta eherce demasiado influencia riba e bidanan di e miembronan di comunidad Eritreo. E embahador a yama esey un "distorsion di e hechonan."

Tambe a discuti pakico Tekle ainda ta opera for di Bruselas y no a bay Den Haag. E embahador a bisa cu e tin plan pa bay Hulanda pero no sa ainda exactamente ki ora.

Hulanda su integracion obligatorio por ta violando reglanan di Union Europeo

(NLTimes)—Ayer a corte Europeo di Husticia a considera si e politica di integracion obligatorio na Hulanda ta bay contra reglanan Europeo. E pregunta central di e caso ta si Hulanda por obliga refugiadonan y otro inmigrante pa integra dentro di tres aña y duna nan multa si nan no cumpli, Trouw ta reporta.



Na Hulanda, hende cu mester cumpli cu e obligacionnan di integracion mester haci esaki dentro di tres aña. Nan tin hopi responsabilidad personal den esaki, entre otro busca nan mesun curso di Hulandes y, te cu 2022, pidi un prestamo personal pa financianan nan integracion. Si nan no logra haya nan certificado di integracion dentro di tres aña, e gobierno Hulandes por duna nan un multa. Te recien, nan tambe mester a paga nan prestamo di estudio back, cual por costa te cu 10,000 euro.

Ley Europeo ta bisa cu e responsabilidad pa integra no mester keda mucho riba e inmigrante pero mayormente riba e estado miembro. E gobierno mester provee acceso na programanan di integracion. E corte lo dicidi si e sistema di multa di Hulanda ta cuadra cu e reglanan aki.

Segun abogado pa derecho humano, Eva Bezem, integracion lento ta frecuentemente debi na reluctancia pa participa den sociedad

Hulandes. Su mesun cliente, un refugiado di Eritrea, ta sufriendo di trauma severo y un incapacidad intelectual. Parcialmente debi na esaki, e no por integra na tempo y awo tin 10,000 euro den debe pa paga back, ademas di un multa di 500 euro. "Compara esey cu un mucha Hulandes cu ta experencia dificultad na scol," Bezem a bisa. "Nan ta yuda bo den tur manera posible pa completa scol primario y secundario. No nunca lo impone un multa riba nan si nan no haal nan examen."

Den e ultimo añanan, gobierno Hulandes a impone multa riba 3,400 refugio cu a tuma mas cu tres aña pa integra. E suma maximo pa un multa ta 1,250. E problema principal ta pagando e prestamo di estudio cu a tuma pa paga nan cursonan di integracion. Segun e agencia di gobierno DUO, refugiadonan hunto ainda mester paga rond di 27 miyon euro den prestamo y 2.3 miyon euro den multa. DUO a subraya cu nan ta haci plan di pago segun nan habilidad.

Si e Corte Europeo di Husticia dicidi cu e metodo Hulandes ta violando ley Europeo, Hulanda probablemente lo mester cancela e debenan ey. Esey a sosode den algun casonan anterior. Un inmigrante a keda asina hopi den debe despues cu su proveedo di curso a bay bancarota, cual a causa retraso den su integracion. Un otro a completa nan integracion na tempo pero a ricibi nan certifica despues di e periodo di tres aña debi na burocracia lento. Den ambos caso, e hues a ordena e gobierno pa cancela e debenan.

Bezem ta anticipa un huicio similar for di e corte Europeo. E politica Hulandes ta "completamente desproporciona," el a bisa. "Den e manera cu e ta bayendo awo, nos ta pushando esnan mas zwak di sociedad den scuridad financiero intencionalmente."

E Corte Europeo di Husticia lo duna un huicio aki par luna. Turesten, DUO ta pausando su politica di multa—no lo colecta ningun multa of prestamo.



EXECUTORIALE VERKOOP

Ten overstaan van notaris mr. Chamila Agnella Tromp of haar waarnemer zal op **vrijdag 5 april om 10:00 uur 's-morgens in het Auditorium van de Kamer van Koophandel en Nijverheid te Aruba** aan de J.E. Irausquin Boulevard 10, Oranjestad, Aruba, in één zitting bij opbod en afslag in het openbaar worden verkocht, ex artikel 3:268 van het Burgerlijk Wetboek van Aruba:

het recht van erfpacht tot 1 september 2055 op een perceel domeingrond, groot eenduizend zeshonderd acht vierkante meter (1.608 m²), gelegen te Eagle in Aruba, kadastraal bekend als **Eerste Afdeling Sectie K nummer 2601**, met het daarop gebouwde appartementencomplex en verder toebehoren, plaatselijk bekend als :

SCHOTLANDSTRAAT 48

Inzetprijs: Afl. 3.440.000,-

- Een ieder kan een onherroepelijk en onvoorwaardelijk onderhands bod uitbrengen tot uiterlijk **donderdag 21 maart 2024** ten kantore van Newleaf Notary, J.E. Irausquin Boulevard 22 te Aruba, of via email: auction@newleafaruba.com Het formulier is op de website www.newleafaruba.com verkrijgbaar.

- Iedere bieder is gehouden, zowel bij het uitbrengen van een onderhands bod als op de veiling zelf, zich te legitimeren met een geldig paspoort of ID en middels een bereidheidsverklaring, een bankgarantie of andere vorm van zekerheid aan te tonen aan de Executant in staat te zijn tot nakoming van zijn bod en de bijkomende kosten.

- De Executant behoudt zich het recht voor de executieveiling uit te stellen dan wel op te houden zonder daarvoor de reden te noemen.

- Op de veiling zijn van toepassing de Algemene Veilingvoorwaarden voor Executieveilingen (AVVE) en de Bijzondere Veilingvoorwaarden zoals vastgesteld door notaris mr. Chamila Agnella Tromp.

Voor vragen of meer informatie kunt u een email sturen naar auction@newleafaruba.com of de volgende website bezoeken:

www.newleafaruba.com

Asesino di cachonan ta causa terror na Mexico despues di a asesina 23 mascota

(ElTiempo) – Den un acto di crueldad sin precedente, Mexico a reacciona despues cu a reporta un caso nobo di asesinato di un cacho, e acto di maldad a genera indignacion y a ser rechasa na tur e pais. E incidente a sucede na Xochimilco y a laga e comunidad local y amantenan di bestia den estado di shock.

Loke mas ta indigna e habitantenan, ta cu esaki ta uni na un masacre cu ta sosodiendo for di juli 2023, na unda ya caba a haya 23 cacho tortura violentamente den mesun area menciona. Segun informe di autoridadnan lo-

cal, e persona responsabel di e acto aki no a ser identifica, pero ta presumi cu ta trata di un individuo cu señalnan di crueldad y falta di empatia pa bestianan.

Bisiñanan ta pidi y ta exigi pa tuma medidanan firme pa resolve ken ta e persona cu ta tras di e posibel asesino serial di bestianan.

Ta hopi e reaccion pa e evento horibel aki riba rednan social, manera riba e red social “X” cu a inunda di mensahenan di indignacion y solicitud di husticia cu hashtag #JusticiaParaNuestrosPerros. Organizacionnan di derechonan di bestianan a convoca na

protestanan y a yama autoridadnan pa investiga na fondo e caso aki y castiga e responsabel cu tur e peso di ley.

Na Mexico maltrato pa bestia ta ser castiga segun Ley General di Bienestar Familiar crea na 2017, cu ta establece proteccion y trato digno pa bestianan na e pais. E ley aki ta busca preveni y sanciona maltrato, abuso y sufrimento innecesario di bestianan.

E penalidad pa maltrato di bestia ta varia segun e delito y e circunstancianan specifico di e caso, e sancion por inclui multanan economico, trabou comunitario, confiscacion di



e bestia maltrata y den casonan extremo, prison pa e responsabel.

Sin embargo, a pesar di existencia di e ley aki, aplicacion

y cumplimiento di nan por ta desafionan den algun casonan debi na falta di recursonan, infraestructura y consenshi publico riba e importancia di protege e bestianan.

Bolivia ta asumi presidencia temporal di plataforma regional contra trata di persona

(EFE) – Dialuna ultimo Bolivia a asumi e presidencia temporal di Plataforma Regional di Lucha Contra Trata di Persona y Trafico Ilicito di Migrantenan, un espacio di cooperacion crea aña pasa hunto cu Argentina, Brazil, Chile, Colombia, Ecuador, Paraguay, Peru, Uruguay y Venezuela.

Den representacion di e gobierno di Bolivia den e evento na La Paz a participa e minister di Exterior, Celinda Sosa, minister di Husticia, Ivan Lima, hunto cu e hefe di oficina di Organizacion Internacional pa Migracion (OIM) na Argentina, Gabri-



ela Fernandez.

Un di e prome accion cu e plataforma ta bay cuminsa bao e presidencia Boliviano

ta bay ta un protocol di asistencia consular pa atende e victimanan di delitonan aki, segun Sosa anuncia den un comunicado di prensa.

E minister a solicita pa tuma medidanan di proteccion conhunto y coordina na nivel internacional contra trata di personanan y trafico illicito di migrantenan. Lima a compromete su mes pa traha den consolidacion di e marco di normanan cu ta rekeri y den e fortalecimiento di cooperacion regional, e capacitacion y sensibilisacion riba e problematica aki.

Na su turno, Fernandez a destaca e union entre paisnan sur Americano pa enfrente e delitonan aki, specialmente cu perspectiva di genero den medidanan di reparacion di e victimanan.

Segun e funcionario, “mayoria di e victimanan di e delito ta hende muhe y muchanan muhe, representando un 63% di e total na nivel di Latino America,” mientras cu explotacion, “sea a traves di trabou forsa of explotacion sexual,” ta sigui keda permanentemente dirigi pa e grupo vulnerabel aki.”

E plataforma a ser crea na juli 2023 pa dies pais sur Americano como un espacio di dialogo regional tecnico y operativo pa coordinacion di accionnan y strategianan pa preveni y combati trata di persona y trafico di migrantenan.

Ex-presidente Hondureño Juan Orlando Hernandez ta enfrente huicio pa narcotrafico na New York

(EFE) – Ex-presidente di Honduras Juan Orlando Hernandez despues cu a pospone e huicio varios biaha, for di ayera mainta ta bay ser husga na New York, e ta acusa di lo a yuda introduci mas di 500 ton di cocaina na Merca durante casi dos decada.

E huicio, cu ta premira pa tin un duracion di entre 3 pa 4 siman, ta cuminsa cu e seleccion di hurado cu ta bay determina si Juan Orlando Hernandez ‘JOH’ manera ta conoci na Honduras, ta culpabel of inocente manera e ta sigura.

E ex-presidente te ainda mester dicidi si bay declara den e huicio.

El a ser extradita pa New York na april 2022, e ex-mandatario di 55 aña ta acusa di a participa y protege un red cu a manda mas di 500 ton di cocaina pa Merca entre 2004 y 2022.

A cambio di esey, el a ricibi “milyones di dollar” di cartelnan di droga, entre nan di e narcotraficante Mexicano Joaquin “El Chapo” Guzman, condena na bida largo na Merca, segun fiscalia di

New York.

Si e lo ser haya culpabel di tres acusacion cu Fiscalia ta acusel’e cu ta narcotrafico, trafico y posesion di arma- e lo por ser condena na bida largo, manera su ruman Tony Hernandez y e colaborado di dje Geovanny Fuentes, ken a participa den mesun red.

Segun un carta publica dialuna ultimo, e ex-mandatario a reitera cu ta “inocente” y cu “ta victima di un vengansa.”

Den e mensahe dirigi na pueblo Hondureño, cu ta bay tin poco influencia den e huicio na Tribunal Federal



di Sur di Manhattan, Hernandez a califica di “inhusto” e acusacionnan “y yen di mentira construi manera novela na base di testimonio

di narcotraficantenan confesa,” cu a negocia cu Fiscalia di Distrito Sur di New York pa logra “e reduccion di nan castigo

Haiti: E casa y ayudantenan di e presidente asesina na Haiti a ser acusa den su asesinato

(AP) - Un hues na Haiti encarga cu e investigacion di e asesinato na juli 2021 di ex Presidente Jovenel Moïse a acusa su casa, Martine Moïse, ex Prome Minister Claude Joseph y e anterior hefe di Polis di Haiti, Léon Charles, entre otro, segun un rapport. Ta spera cu e acusacionnan aki lo sigui destabilisa Haiti ainda mas mientras e ta lucha cu un aumento di violencia di bandanan arma y ta recupera di un ola di protestanan violento exigiendo e renuncia di e actual Prome Minister Ariel Henry.

Docenas di sospechoso a wordo acusa den e rapport di 122 pagina emiti pa Walther Wesser Voltaire, kende ta e di cinco hues pa lidera e investigacion despues cu e huesnan anterior a bandona e investigacion pa diferente motibo, incluyendo miedo di wordo asesina. Charles, ken tabata hefe di polis ora cu Moïse a wordo asesina y awor ta sirbi como representante permanente di Haiti na e Organizacion di Estadonan Mericano, ta en-



frenta e cargo mas serio: asesinato; intento di asesinato; posesion y carga ilegal di arma; conspiracion contra e seguridad interno di Estado; y asociacion criminal. Mientras tanto, Joseph y Martine Moïse, ken a resulta herida den e atake, ta wordo acusa di complicidad y asociacion criminal. Charles no por a wordo haya inmediatamente pa comentario, y e abogado di Martine

Moïse no a responde na un pregunta pa comentario. Mientras tanto, Joseph, ex Prome Minister, a comparti un declaracion cu The Associated Press acusando Henry di "subverti" e investigacion y beneficia di e morto di e ex presidente. "Henry ... ta arma e sistema di husticia Haitiano, persecui oponentenan politico manera mi. Ta un coup d'etat," Joseph a bisa. "Nan a falta pa

matami y Martine Moïse riba juli 7, 2021 y awor nan ta usa e sistema di husticia Haitiano pa avansa nan agenda malvado." Joseph atrobe a yama Henry pa renuncia y a nota cu mientras e tabata ainda prome minister, el a invita FBI pa yuda autoridadnan local den e investigacion di e asesinato y a kirbi na ONU y OAS pa yudansa. "Mi no lo para mi lucha.

Husticia mester wordo sirbi," el a bisa.

Den su rapport, e hues a nota cu e ex secretario general di Palacio Nacional, Lyonel Valbrun, a bisa autoridadnan cu el a ricibi "presion fuerte" for di Martine Moïse pa pone e oficina di e presidente na disposicion di Joseph pasobra e tabatin mester "organisa un consejo di minister." Valbrun tambe a bisa cu e dos dia prome cu su esposo a wordo mata, Martine Moïse a bishita Palacio Nacional y a pasa casi cinco ora, for di 10 pm te 3 am, kitando "hopi cos." El a bisa cu dos dia despues cu Jovenel Moïse a wordo mata, Martine Moïse a yama pa bisa cu, "Jovenel no a haci nada pa nos. Bo mester habri e oficina. E presidente a bisa Ti Klod pa crea un consejo di minister; el lo tene eleccion den tres luna pa mi por bira presidente, awor nos lo tin poder." Aunke e documento no a identifica Ti Klod, e ex prome minister, Claude Joseph, ta conoci bao di e number ey.

St. Vincent ta sostene leyman cu ta criminalisa sexo gay

(AP) - Un corte superior na St. Vincent & the Grenadines a sostene leyman cu ta criminalisa sexo gay, un golpi pa activistanan cu hopi pa tempo ta denuncia e violencia cu e comunidad LGBTQ+ ta enfrente riba e e islanan caribense conservativo.

E decision di Corte Halto di St. Vincent ta resulta di un caso di 2019 entrega pa dos homber gay for di St. Vincent cu ta biba na Reino Uni y Merca. Nan a busca pa deriba leyman di e era colonial cu ta crea un pena di 10 aña di prison pa intercambio di intimidad anal y cinco aña pa "indecencia grosero" cu un otro persona di mesun sexo.

Cristian González Cabrera, un investigador na Human Rights Watch, a yama e decision "un burla di husticia" y a bisa cu esaki ta representa un "respaldo tactico estatal" di e discriminacion contra e comunidad LGBTQ+.

"Ta un dia tristo pa derechonon humano na St. Vincent & the Grenadines, y

e decision lo debilita e estabilidad di derechonon pa tur hende na e pais," el a bisa.

No tabata cla inmediatamente si tin hende cu ta planea apela e decision.

Téa Braun, director ehecutivo di e organizacion di derechonon humano basa na London, Human Dignity Trust, a critica cu e decision basa den parti riba e hecho cu e dos hombernan cu ta desafiando e ley no ta biba na St. Vincent.

"Esaki ta un desapunto grandi," el a bisa. "E sentencia ta completamente contrario cu decisionnan di elimina e leyman anticua aki pa corte na Barbados, Antigua y St. Kitts aña pasa, manera tambe corte na otro parti di mundo."

Aunke e leyman na St. Vincent & the Grenadines rara bes ta wordo usa, activistanan ta bisa cu nan ta yuda legitima abuso fisico y verbal contra e comunidad gay riba e islanan chikito di mas o menos 100 mil hende.

Aña pasa, un rapport di Hu-



man Rights Watch a nota multiple caso di abuso y discriminacion contra hende homosexual na St. Vincent & the Grenadines, for di e caso di un estudiante hoben cu a kibra su brasa pa un homber cu kibra su cabes cu un boter, causando daño cerebral permanente.

E Prome Minister di e nacion di archipiélago Ralph Gonsalves a protesta anteriormente contra discriminacion contra hende homosexual.

Hunto ku St. Vincent & the Grenadines, tin otro cinco nacion den Caribe cu tin ley-

nan criminalisando sexo gay. Nan ta St. Lucia, Dominica, Jamaica, Guyana y Grenada.

Cuater otro nacion caribense den e ultimo añanan a elimina leyman asina: Trinidad y Tobago; Barbados; St. Kitts y Nevis; y Antigua y Barbuda.

Beatles lo ricibi pelicula di autobiografia pa Paul, John, George y Ringo

(AP) - The Beatles lo ricibi tratamento di 4 pelicula riba pantaya grandi den no solamente 1 pelicula sino un set di 4 pelicula cu lo duna cada miembro di e manda su momento pa briya, tur di nan dirigi pa Sam Mendes.

Pa prome biaha, The Beatles ta dunando derechonan di bida y musica completo a un proyecto di pelicula. Sony Pictures a anuncia dialuna un trato cu lo surpasa tur pelicula di su tipo cu a sali prome



cu esaki, cu storianan di Paul McCartney, John Lennon,

George Harrison and Ringo Starr plama den un quartet di pelicula.

Epeliculanan crea pa Mnedes, ta premira di ser lansa den un manera innovativo, cu e peliculanan potencialmente coexistiendo y den otro den e cinemanan. Plannan di lansa-mento preciso lo keda anuncia na un fecha mas despues. Sony tin e meta di aña 2027 pa lansa esaki.

McCartney, Starr y e famia di Lennon cu Harrison tur

a firma riba e proyecto via e banda su Apple Corps. LTd. Sony Music Publishing ta controla e derecho di mayoria di e canticanan di Beatles. "Mi ta honra di conta e storia di e banda di rock mas grandi den historia y mi ta emocionado pa desafia e nocion di kico ta constitui un salida pa bay wak pelicula," Mendes a bisa den un declaracion.

Cada pelicula lo ta den e perspectiva di un Beatle.

"Nos tin intencion pa esaki ta un experiencia cinemativo epico y unico; 4 pelicula, conta for di 4 diferente perspectiva cu ta conta un solo storia tocante e banda mas celebra di henter historia," productor Pippa Harris a expresa. "Pa tin The Beatles y Apple Corps su bendicion pa haci esaki ta un privilegio inmenso."

The Beatles su experiencia cu peliculanan ta den nan añanan di comienso. Entre 1964 y 1970, nan a aparece den 5 pelicula incluyendo "A Hard Day's Night" (1964) y "Yellow Submarine" (1968). Tambe claramente, nan tabata suheto di varios documentario, mas recientemente Peter Jackson su 2021 "The Beatles: Get Back."

Den aña 2023, Beatles a reuni cu e ayudo di inteligencia artificial den un cantica nobo "Now and Then." E grabacion a ser haci posibel pa tecnologia usa pa Jackson riba "Get Back" y tabatin un video musical crea pa e director di New Zealand.

E combinacion di Mendes su ekipo "cu e storianan di nos 4 hombernan cu a cambia e mundo, lo impacta audiencianan den henter e mundo," Rothman a bisa.

21 di februari 2024

Ban papia Papiamento

Dia Internacional di Lengua Materno

Papiamento ta nos idioma
Ban papi'e, apreci'e y cuid'e.

Xiomara Maduro
Minister di Finansa y Cultura

@MinisterXiomaraMaduro



Mama di YouTuber Ruby Franke ta pidi disculpa na sentencia di caso di abuso di mucha



(AP) - Ruby Franke, e mama di 6 mucha cu tabata duna miyones conseho di con pa cria un yiu riba su canal di YouTube, a pidi un disculpa cu lagrima na su yiunan pa e abuso fisico y emocional prome cu hues a dicta sentencia di 30 aña den prizon contra su persona riba diamars.

Franke a conta hues John J. Walton cu e no lo pidi un sentencia mas cortico prome cu el a para y duna danki na polis, dokternan y empleadonan social pa ta e “angelnan” cu a salba su yiunan na un momento cu e tabata bao influencia di su partner di negoshi Jodi Hildebrandt. E Consehero di salud mental cu a ser contrata pa traha cu Franke su yiu homber mas chikito prome cu el a drenta negoshi cu Franke tambe a ricibi un sentencia di prizon di te hasta 30 aña.

“Nunca lo mi stop di sufri pa bos, Franke a bisa na su yiunan, kendenan no tabata presente na e audiencia. “Mi disposicion di sacrifica tur cos pa bos a ser manipula y converti den algo sumamente mahos. Mi a kita for di bos tur loke tabata safe y bon.”

Franke y Hildebrandt cada un a declara su mes culpabel na 4 caso di abuso di mucha empeora pa purba di con-

vence Franke su dos yiunan mas chikito cu nan tabata posei, cu nan ta malvado y cu nan mester a ser castiga pa nan por repenti. E muhenan a keda aresta na Hildebrandt su cas den Utah despues cu Franke su yiu homber di 12 aña a scapa via un bentana y a pidi un bisina pa yama polis segun un yamada di 911 cu St. Georgie Police Department a publica.

E mucha homber tabata flaco, cubri di herida y tabatin tape rond di su enkel y polsnan. El a conta investigadornan cu Hildebrandt a mara cu cabuya su mannan y pianan y a usa cayenne pepper cu honey pa atende su heridanan segun un reportahe di buskeda. E abogado di estado Eric Clarke a describi e ambiente den cual Franke y Hildebrandt a mantene e muchanan como un “campo di concentracion,” un termino fuertemente asocia cu e camponan estableci pa Nazinan pa checuta e personanan Hudiu y otro minorianan den Europa durante e Holocausto.

Mientras cu Franke a demostra repentimento y a coopera cu e abogadonan, Clarke a bisa, Hildebrandt no a haci esaki y ta sigui pone e culpa riba e muchanan. Hildebrandt su abogadonan, Douglas Terry, a bisa cu e cliente no ta e muhe sin scrupulo y re-

pentimento cu nan ta bisa e ta y ta acepta responsabilidad pa su accionnan. “Mi ta stima e muchanan aki sinceramente. Mi ta desea pa nan sana fisicamente y emocionalmente,” Hildebrandt a bisa diamars den corte, cordando e hues cu el a acepta su trato na luga

di bay huicio pa motibo cu e no tabata kier pa e muchanan mester rebibi nan trauma pa medio di testigua.

Hildebrandt a declara su mes culpabel den december pa 4 di e 6 acusacionnan di abuso di mucha empeora y dos

acusacion a ser retira como parti di su trato. Franke tambe a declara su mes culpabel na 4 di su 6 acusacionnan y inocente na dos. Cada acusacion ta carga un sentencia 1 pa 15 aña, cual lo core consecutivamente.

Career Opportunities

Caribbean Mercantile Bank N.V. a member of the Maduro & Curiel's Group of banks, in order to accommodate growth and to better service our existing customers, is taking applications for the position of:

MERCHANT REPRESENTATIVE – BANK CARD SERVICES

The Merchant Representative is the face of the Bank in acquiring services and makes an important contribution to merchant satisfaction by providing prompt, efficient and courteous service to merchants of the Bank.

The Merchant Representative installs and services POS software and hardware and works with PC software systems to maintain a merchant POS database. The incumbent should master the set up and maintenance of Point of Sales terminals (POS) and perform necessary activities that guarantee optimal service and minimize losses for the Bank. The Merchant Representative is responsible for providing excellence in customer service and support to the Bank's Merchants, by email, phone, and most of the time face to face.

The Merchant Representative has detailed knowledge of the Visa/MasterCard/Discover/Amex and Maestro products and regulations, can explain the Card Acceptance process to the merchants and provides advice and counsel as needed. Additionally, the Merchant Representative is able to adapt to the changing technical environment inherent in the world class Card Acquiring Services and fosters customer loyalty by providing excellent customer service to CMB's merchants, assisting with inquiries, concerns and solving any card acceptance issues while following the Bank's policy and procedures.

Professional requirements:

- MBO education level, preferably in administration
- Minimum three (3) years' experience in a similar position or position requiring client handling and exposure to customer service.

Candidate Profile:

- Expert communication skills including fluency in English, Dutch, Spanish and Papiamentu.
- Excellent customer service and time management skills in order to satisfy the needs of a large client group.
- Thorough business acumen skills and the ability to handle all client matters in a confidential and professional manner.
- Strong interpersonal skills and the ability to maintain composure during difficult circumstances.
- Unctual, self-motivated and a team player.
- Expert PC skills using common software tools to access and communicate within the Bank (Word, Outlook, Excel, PowerPoint).
- Display and maintain a high degree of integrity.

Caribbean Mercantile Bank N.V. offers a challenging and productive work environment where teamwork and a positive attitude are vital, a workplace with growth possibilities and where dedication is rewarded by an excellent remuneration package.

Interested applicant can submit their cover letter and resume accompanied by any other document that might be deemed important to the attention of the Human Resources Department at: HR@cmbnv.com by February 28, 2024.

Cooperacion estrecho Santa Rosa y Stagiairnan di SPO

Na momento cu tin cooperacionnan estrecho den cualkier manera y/of situacion hopi biaha plan y ideanan ta cana bon con tal tin cumplimento di ambos banda. Ta simplemente e palabracionnan mester wordo bon defini pa por tin bon resultado.

E oportunidad ofreci pa por siña y desaroya conocimiento semper ta puntonan positivo pa avansa den cualkier carera. Asina tambe ta gana experiencia na momento cu bo haya bo den un trabao pa ehecuta esaki por ta un poco mas facil, pa motibo cu ya abo tabata tin e experiencia aki caba na momento cu e alumno a wordo brinda na dje e oportunidad den e tipo di trabao aki di agricultura. Departamento di Agricultura, Cria y Pesca Santa Rosa semper su portanan ta habri ta pa cualkier alumno/stagiaire cu ta desea di gana nan experiencia aki, semper ta bon bini.

Nos departamento na e momentonan aki ta conta cu dos stagiaire cu ta ganando expe-



riencia den Sector Primario. Bao guia di coleganan e hobennan Alexander Webb y Nelson Wernet ta haciendo tremendo trabao cultivando y experienciando diferente cultivo. Tur dos ta di scol SPO. Sta Cruz. Por admira un tecnica cu e dos hoben aki ta eherciendo cu ta plantando den bakinan aki na Santa Rosa. Preparando e tera den a bakinan pa despues pone e simia. Despues di pone e

simia, en bes di tapa e simia cu e tera, ta tapa e simia cu sas di palo, un tipo di mulch cu ta bay mantene e tera humedo y yuda e simia germina sin problema. Varios di e tecnicanan aki ta cu ayudo, instrui y bao guia pa asina e alumno por practica esaki y siña con e procesonan aki mester cana pa por tin un cosecha exitoso sin problema. Departamento di Agricultura, Cria y Pesca ta suma-

mente contento di por traha y guia e hobennan aki cu sigur ta un estimulo tambe pa nan por ta mas interesa den nos Sector Primario. Practica agricultura na un mihor forma posibel cu nan mes por haci esaki sin problema y mas cu tur cos crea y cosecha mas conocimiento na momento di planta, cuida y cosecha. Factornan di sumo importancia den agricultura. Nos ta felicita e hobennan

aki pa nan interes y sigur durante di nan periodo di stage nan por a siña mas di esaki. Danki tambe na SPO Sta. Cruz pa confiansa y trahando semper den bon cooperacion. Semper nos portanan ta keda habri na tur otro alumno cu ta desea di stage aki na Santa Rosa y siña mas di e bunita trabao aki. Asina tambe nos por tin mas agricultor cu por produci cualkier tipo di producto fresco pa Aruba.

DCA: 21 di Februari: “Dia di Lengua Materno”

Ministerio di Cultura y Departamento di Cultura Aruba (DCA) ta recorda pueblo cu dia 21 di februari di tur aña ta Dia Internacional di Lengua Materno. Segun proclamacion di The United Nation Education and Scientific Cultural Organization, (UNESCO).

Dia di Lengua Materno ta netamente pa stimula bon uzo di nos dushi idioma Papiamentu den nos comunidad y stimula publicacionnan bou di nos escritornan local.


DCA na momento di saca informacionnan cultural di tur loke ta publicacion, DCA ta haci su esfuerso pa percura pa tur ta den un bon idioma Papiamento. Publicacionnan manera “Nos Isla”, foyetonan di nos Simbolonan Nacional, manera nos Escudo, Himno y Bandera, Celebracion di San Juan, Dera Gay, Proyecto di Expedicion Rescate y tambe ‘Expedicion Rescate Naturalesa’ (ERN)cual ta trece informacionnan valioso di nos flora y fauna. Ora di duna relato den forma oficial DCA ta aplica e “Vocabulario Ortografico di Papiamento di 2009” – www.papiamento.aw.

Den sentido general ta considera idioma, como e medio unificador di mas importante di un cultura. Idioma ta carga tur pensamiento y experiencia humano, cultura y identidad. Idioma ta transferi cultura.

Mirando esaki DCA tin idioma Papiamento como un punto importante den su educacion cultural. Como cu ortografia tambe ta un simbolo sumamente importante, cu ta muestra di un propio identidad. Mester muestra cu e oficialisacion por crea aprecio y stimula nos pa, cu orguyo y amor, siña nos hendenan conoce e historia di nos idioma materno bon y promove e uzo corecto di papi’e y skirbie (papia- y skirbimento).

Durante e desaroyo di nos idioma materno Papiamento y como DCA bou auspicio di Ministerio di Cultura ta keda enfoca riba su retonan pa educa, promove, cuida y hacie mas conoci pa e bon uzo di nos Papiamento pa generacionnan cu ta bini.

Tambe DCA ta organisa e proyecto di “Arte di Palabra” (AdP) cu ta un competencia di conta cuenta y storia cortico, pa hoben di scol secundario y avansa. AdP In-



terinsular ta un competencia entre e ganadonan di Corsou, Boneiro y Aruba. DCA ta organisa AdP for di 2009, unda tur aña por mira e interes bou di nos hobennan, cu ta creciendo, pa nan participa.

Meta di e proyecto aki ta pa duna e hoben e oportunidad pa demostra nan creatividad literario; pa promove lesamento y skirbimento den nos idioma Papiamento; pa stimula publicacion di arte literario den Papiamento. Y tambe pa e hobennan di islanan A.B.C. tin un intercam-

bio den nan cultura. E competencia di Arte di Palabra ta stimula e hobennan pa medio di nan poesia of cuenta cortico haci bon uzo di nos idioma Papiamento y enrikece nan conocimiento di nos idioma. Cu e proyecto aki DCA ta traha hunto cu Fundacion Corector di Papiamento y scolnan avansa.

DCA ta sostene Comision Celebracion Dianan Nacional (CCDN) den cuadro di nos Dia Nacional, dia 18 di maart, organisando “Poeta di Patria”.

Fundacion Lanta Papiamento, (FLP), tambe ta un organisacion cu a ser institui pa preserva y salvaguardia e bon uzo di Papiamento.

DCA bou auspicio di ministerio di Cultura ta keda enfoca riba educa, promove, cuida y e bon uzo di nos Papiamento pa generacionnan cu ta bin.

Masha Pabien Aruba awe 21 di februari, “Dia di Lengua Materno” Papiamento.

Di un candela nan a bira cuater cu e biento fuerte na Pos Chikito

Dialuna atardi a drenta informe di cu tin un candela di mondi na Pos Chikito y cu esaki ta expandiendo causando molester y menasando casnan den cercania, mesora a dirigi tanto polis como bombero na e sitio.



Na yegada di e patruya, a bin nota cu e candela cu e biento fuerte nan a expande y a bira 4 candela. Na yegada di bombero a combati esakinan

y nan a logra paga esakinan, kitando e molester di huma y e menasa di expansion.



Polis a bay check informe cu conocido Koki ta canando pabao di rotonde tur na sanger

Dialuna mainta a drenta informe di cu e conocido Koki lo ta canando bayendo pabao di rotonde Paradera na mea y tur na

sanger, mesora a dirigi patruyanan na e sitio.

Patruyanan a tira bista den e area pero no a encontr'e, a

tira bista na e cas conoci cu e sa frecuenta pero no a logra hay'e.



Polis a bay Pos Chikito pa intermedia den un problema cu bisiaña



Dialuna atardi a drenta informe di cu tin un problema entre bisiaña na Pos Chikito, mesora a dirigi un patruya na e sitio.

Na yegada di e patruya nan a papia cu e bisiañan y a muestra nan e caminda pa cana pa resolve nan problema.



STICHTING ALGEMENE BEJAARDENZORG
 ARUBA (SABA)
 Is op zoek naar
VERZORGENDEN NIVEAU 3/IG



SABA is op zoek naar enthousiaste verzorgende (m/v) niveau 3/IG.

Als verzorgende ben je verantwoordelijke voor de coördinatie van het totale zorgproces van de bewoner. Je komt op voor het belang van de bewoner, Je bent kritisch op je eigen handelen en hebt oog voor je omgeving. Je biedt verpleging en verzorging afgestemd op de behoefte van de bewoners, op basis van een individueel zorgleefplan.

Je bent een enthousiaste teamspeler die resultaatgericht samenwerkt. Je toont initiatief, bent flexibel en werkt zelfstandig. Je hebt affiniteit met kwaliteit van zorg en vindt het leuk om op dit gebied een voorbeeldfunctie te vervullen naar collega's. Herken jij je hierin? Dan willen wij graag met je kennismaken.

Je voldoet aan de volgende punten:

- In het bezit van diploma Verzorgende (IG) nivo-3 en ervaring. Heb je geen ervaring maar wel een harde werker; met ambities, en bereidt om te leren? dan willen we je toch graag ontmoeten.
- In het bezit van goede sociale en contactuele vaardigheden (empathie).
- Je kan zowel zelfstandig als in teamverband werken.
- Je beschikt over een probleemoplossend attitude, met empathie, ordelijkheid en oplettendheid.
- Goede beheersing van het Nederlands en Papiamentu.

Herken jij je hierin?

Dan willen wij graag met je kennismaken!

Arbeidsvoorwaarden

Je werkt in een organisatie die constant in beweging is. Je werkt zelfstandig, binnen een team met voldoende ondersteuning, in continu dienstverband.

Het aangeboden salaris is afhankelijk van opleiding en ervaring.

De organisatie heeft goede secundaire arbeidsvoorwaarden en een goede pensioenregeling.

Sollicitaties

Meer informatie over deze functie is verkrijgbaar bij dhr. E. Bakmeyer, tel: 597.57.50.

Je sollicitatiebrief met Curriculum Vitae kan je richten aan:

ishara.fluonia@sabaruba.org

T.a.v. Mevr. I. Fluonia, HR manager.

**Uiterlijke datum
 02 maart 2024**

Estudio ta haya cu personanan di edad mayor ta disfruta realidad virtual



(AP) - Coronel di ehercito retira Farrell Patrick a duna les di ciencia di computer na West Point durante año 1970 y despues na dos universidad priva durante año 1990, pues e no tabata hopi sorprendi pa e progreso cu tecnologia a haci durante e decadanan.

Sin embargo ora e homber di 91 año a experiencia realidad virtual recientemente, e tabata impacta. Sitando den un sala di conferencia na John Knox Village, na un cas

di cuidu y comunidad di retiro, Patrick a sinti mientras su wowonan y su oidonan a experiencia con e ta sinti bula den un Navy fighter Jet.

“E ta bunita,” el a bisa prome cu e programa di VR a trece e jet dilanti pa aterisa na un cargador di aeronave. John Knox Village ta un di e 17 comunidatnan pa hende di edad mayor rond di e pais cu a participa den e estudio recien di Stanford University cu a haya cu un gran mayoria di 245 participante di entre 65 pa 103 año di edad ta disfruta

realidad virtual, of asina yama VR, mehorando ambos nan emocionnan y nan interaccion cu e empleadonan.

E estudio aki ta parti di un esfuerzo mas grandi pa adapta VR pa asina esaki por tin beneficio riba e salud di personanan di edad mayor y nan bienestar emocional ademas di yuda disminui e impacto di demencia den algun di nan. Durante e testnan, e participantenan tabata kies for di experiencianan di 7 minuut manera bula for di avion cu parachute, drenta un tanki

militar, mira presentacionnan musical, hunga cu cachonan of pushinan of bishita paisnan manera Paris of Egipto. E participantenan a bisti un headset cu ta duna nan un bista 360 y zonidonan, cual a haci sinti manera cu nan a drenta e experiencia di berdad.

Stanford su estudio, trahando cu e compania Mynd Immersive a haya cu casi 80 porciento di e participantenan tabatin un actitud mas positivo despues di nan sesion cu VR y casi 60 porciento a bisa cu nan a sinti menos socialmente isola. E experiencia tabata menos bon pa e personanan kende su vision y oido a deteriora. Esunnan cu a haya e experiencia menos bon tam-

be tabata personanan cu no ta gusta tecnologia en general. Ademas, casi 75 porciento di e dunadornan di cuidu a bisa cu e residentenan su estado di animo despues di usa VR a mehora. Mas di 80 porciento di e residentenan y casi 95 porciento di e dunadornan di cuidu a bisa cu nan relacion a mehora cu otro despues di e experiencia cu VR.

“Nos ta comprobando cu VR ta un herment cu berdaderamente ta yuda cu e bienestar di nos grandinan,” Chris Brickler, Mynd su CEO y Co-fundador a bisa. E compania basa na Texas ta un di e poconan cu ta specialisa den realidad virtual pa personanan di edad mayor.



Operacion global di polis a stroba grupo di ransomware LockBit cu 2 aresto



(AP) - Agencianan di autoridad a infiltra y stroba LockBit, arestando 2 persona involucra cu e sindicato di ransomware cu a extrae 120 miyon dollar for di miles di victima den mundo, oficialnan Mericano, Britanico y Europeo a bisa diamars.

Britania su National Crime Agency (NCA) a bisa cu nan a lidera un operacion

den contra di LockBit, cual ta provee ransomware como un servicio na afiliadonan cu ta infecta e victimanan su red cu malware pa asina por negocia un suma pa debilbe e rednan. E operacion a resulta den e aresto di 2 persona na Poland y Ucrania ademas di e confiscacion di 200 cuenta di criptomoneda, oficialnan a bisa na un conferencia di prensa hunto. Departamento di Husticia, mientrastanto, a

revela acusacion formal contra 2 persona, ambos nacionalnan Ruso. Autoridadnan a bis cu nan a ricibi “acceso comprensivo” na sistemanan di LockBit, tumando control di infraestructura y obteniendo clavenan pa yuda e victimanan recupera nan data.

“Nos a hack e hackernan,” Graeme Biggar, NCA su director gnceral a bisa na e conferencia di prensa na London.



Nos a lock LockBit fuera.”

Oranan prome cu e auncio, e pagina di LockBit su website riba darkweb a ser reemplasa cu e palabranan “e pagina aki awo ta bao control di autoridatnan,” conhuntamente cu e banderanan di Merca, Reino Uni y otro nacionnan. E mensahe ta bisa cu Reino Uni su NCA ta “trahando den cooperacion cu FBI y otro task force internacional bao e operacion Operation Cronos.” E operacion andan-

do tambe ta involucra agencianan di Alemania, Francia, Hapon, Australia, New Zealand, Canada y entre otro incluyendo Europol, el a declara. E auncio ta trece e total na 5 di personanan cu Merca a acusa formalmente desde cu e operacion a cuminsa. 3 Ruso anteriormente a keda acusa, cu dos di nan deteni, un den Canada y e otro na Merca. E resto te ainda ta den libertad.

Dos adulto a haya cargo di asesinato den tirateo mortal na Super Bowl

(AP)—Dos hende homber a haya cargo di asesinato durante e tiroteo di siman pasa cu a resulta den un persona morto y 22 herida despues di e parada di Kansas City Chiefs na Super Bowl, fiscal di Missouri a bisa ayera.

Dominic Miller y Lyndell Mays a haya carga di asesinato di segundo grado. Nan a ser hospitalisa desde e tiroteo, fiscal Jean Peters Baker a bisa durante un conferencia di prensa. Oficialnan a nenga di bisa si e hombernan a ser trata pa heridanan di tiro of otro tipo.

Documentonan legal ta duna un bista di con e tiroteo a sosode. E dos hombernan no tabata conoce otro prome cu e



tiroteo, segun fiscalnan. Nan tabata entre varios hende cu tabata pleitando ora Mays “a saca un scopet prome casi inmediatamente” y varios otro a haci mescos, Peters Baker a bisa. Polis a bisa cu e tabata e scopet di Miller cu a ser uza

prome y a mata un dama.

E 22 hendenan herida a varia di 8 pa 47 aña di edad, segun hefe di polis Stacey Graves. Lisa Lopez-Galvan, un mama di dos y e anfitriador di “Taste of Tejano” ser asesina.

E tiroteo tabata e incidente mas recien na un celebracion deportivo na Merca. Un tiroteo aña pasa na Denver despues di e campeonatonan NBA di Nuggets a resulta den varios hende herida.

Esey a pone alcalde di Kansas, Quinton Lucas, pa pensa si ta tempo pa reconsidera celebracionnan di campeonatonan, aunke el a priminti siman pasa cu e ciudad lo sigui celebra su victorianan. Otro luna e parada di San Patricio lo tuma luga manera plania, Lucas a bisa.

E tiroteo na Kansas City a sosode den un estado cu tiki regulacion di arma y un ciudad cu a sufri di violencia di arma. Na 2020, Kansas City tabata entre nuebe ciudad

scogi pa e Departamento di Husticia Mericano den un esfuerso pa aborda crimen violento. Na 2023, e ciudad a cumpli cu su record di 182 homicidio, mayoria di cual a envolbe arma.

Dialuna, e Cas Republicano na Missouri a aproba un prohibicion riba tironan celebratorio den ciudadnan despues di un debate cu a varia entre emocional pa rabioso. Un medida similar a ser aproba aña pasa como parti di un legislacion relata na crimen, pero gobernador Republicano Mike Parson a veto e legislacion. El a cita problemanan cu otro provision criminal den e legislacion cu no ta relata na arma.

Gihae Gymnastics lo ta competiendo na Gasparilla Classic 2024 na Tampa

E siman aki Gihae Gymnastics Club lo ta biahando cu un Team di Atletanan pa asina competi un biaha mas riba tarima International na e Gasparilla Classic 2024 na Tampa Florida.

Sigur un momento sumamente orguyoso caminda e gymnastanan di Gihae Gymnastics, un biaha mas lo tin e oportunidad di demonstra nan

habilidadnan y nivel halto di gymnasia, despues di lunanan intensivo di entrenamiento.

Gihae Gymnastics lo ta participando cu un Team consistiendo di no menos cu 18 gymnasta den e nivelnan 1, 2, 3, 4, 6 & 8. Gihae Gymnastics ta gradici e Staff, Coaches y Famianan completo pa nan sosten y pa por haci tur esaki posibel.



Ratcliffe ta sigura share di minoria den Manchester United y ta priminti pa haci e club miho di mundo

(AP)—Biyonario Britanico Jim Ratcliffe a expresa su deseo pa hiba Manchester United “pa e miho di futbol Ingles, Europeo y mundial” despues di completa su compra di un share di minoria den e club iconico ayera.

Ratcliffe a paga 1.3 miyon dollar pa te cu 25% di United y a inverti 200 miyon dollar caba pa mas shares, cual ta nifica cu e ta doño di aproximadamente 27.7%, e club a bisa. United a bisa cu Ratcliffe tin e intencion pa inverti 100 miyon dollar mas pa 31 di december “pa haci inversionnan den futuro posibel pa infraestructura na Old Trafford.”

E trato a ser aproba caba pa



e Asociacion di Futbol Ingles mientras cu e Premier


League a duna aprobacion na Ratcliffe pa tuma un share di

minoria bao di su reglanan relata na ken por ta doño of

director di un club di futbol.

Ratcliffe ta un di e hendenan mas rico na Britania y e doño di gigante petrokimico INEOS. El a bay den acuerdo pa un trato pa compra un share den United na december despues cu e famia Glazer, ken ta doño di e club, a bend'e na 2022.

“Pa ta co-dño di Manchester United ta un honor grandi y ta bin cu hopi responsabilidad,” Ratcliffe a bisa den un declaracion. E famia Glazer, ken tambe ta doño di Tampa Bay Buccaneers, a opta eventualmente pa bende un share di minoria di e campeon Ingles despues di haya oferta for di bankero di Qatari, Sheikh Jassim bin Hamad Al Thani.



Atleta di schaats Hulandes, Irene Schouten ta anuncia su retiro

(NLTimes) – Tripel medayista Olimpico, Irene Schouten a anuncia su retiro riba dialuna. E atleta di 31 aña di edad a bisa cu e ta orguyoso di su carera, y practicamente tin “demasiado” logro bao su

faha. El a bisa cu e unico meta di su carera cu e no a logra tabata un victoria na Elfstedentocht, e famoso marathon riba ijs natural rond 11 ciudad na Friesland, cu a tuma lugar pa ultimo biaha na 1997.

“Recientemente, mi ta pensando hopi y a dicidi cu esaki ta bay ta mi ultimo temporada. Awo cu mi a tuma e decision, ta sinti bon pa comparti esaki di biaha,” el a skirbi. “Despues di mi exitoso Weganan Olimpico, y cantidad di titulo mundial, mi por mira back riba un tremendo carera exitoso. Y mi a logra loke mi tabata kier.”

Schouten a haci e anuncio algun ora despues cu e ISU World Speed Skating Championship a clausura na Calgary. Durante e competencia, Schouten a gana medaya di oro den eventonan di 3mil meter, team pursuit y mass start. El a keda na di dos lugar den e careda di 5mil meter riba diadomingo tras di su compatriota, Joy Beune, 24, kende a derota Schouten pa 1.26 seconde.

“Ultimo weekend a muestra mi cu mi ta den condicion

top y ainda ta disfruta e competencia. Mi tabata sinti fuerte den ultimo dianan, y hasta a schaats mi bueltanan mas lihe di tur tempo. Pero mi tambe ta realiza cu tin un bida banda di nivel atletico top. Mi ta realmente anticipando pa esaki, tambe,” el a skirbi den un declaracion. El a bisa cu e no a dicidi kico e ta bay haci proximo.

Cu su 26 aña di edad, el a participa den Olimpiada di Winter na Pyeongchang, unda el a gana un medaya di brons pa e mass start. El a haci un prestacion increíble cuatro aña despues na Beijing, unda el a gana oro poniendo recordnan Olimpico nobo pa competencia femenino di 3mil y 5mil meter. E tambe a join su coleganan riba e podium pa un medaya di brons pa team pursuit.

El a clausura su biahe increíble den Olimpiada 2022 cu otro medaya di oro. Ul-

timo dia di e competencia internacional, el a schaats su caminda pa prome lugar den mass start.

Schouten, di net pafó di Medemblik, Noord-Holland, ya a muestra potencial como adolescente. El a cuminsa clasifica pa competencia mundial na 2010 y a gana su prome campeonato nacional na 2013.

“Pa awo mi ta bay disfruta e victorianan fantastico den Cup Mundial,” el a agrega. El a gradici coachnan Arjan Samplonius y Jillert Anema, sostenedoran priva, y e sosten corporativo cu pa largo el a ricibi di Albert Heijn Zaanlander. “Y por supuesto tur fanatico di schaats na Hulanda cu ta sostene mi.” El a bisa cu nan ta hacie posible pa atletanan na Hulanda por competi na e nivel di mas halto.

Real Madrid den bon forma financiero prome cu posible contrato di Mbappe

(AP) — Contrata Kylian Mbappe probablemente lo no ta un problema financieramente pa Real Madrid, mientras ta keda como e club Spaño cu limite mas halto di gasto na 727 miyon euro.

Problemanan financiero sin embargo ta continua pa Barcelona, cu su limite reduci na 204 miyon euro, segun liga Spaño a bisa ayera. E club Catalan lo por ta den un situacion delicado bayendo den e proximo bentana di transferencia.

Atletico Madrid tin e di dos limite mas halto na 303 miyon euro.

Cada club di liga Spaño tin un limite di gasto diferente basa riba factornan manera entrada, costo y debe. E ta proporcional na alrededor di 70% di entrada di un club. E limite ta representa e cantidad maximo cu un club por gasta riba hungador, coach, sistema hubenil, y otro areanan.

Clubnan cu ta gastando di mas mester busca manera pa sea reduci gasto of atrae



inversion nobo.

E limite di Barcelona, cu tabata 270 miyon despues di bentana di transferencia di berano, a keda reduci gradualmente despues cu tabatin refuerzo di maniobranan financiero cu a yuda e club restructura

su debe y gana espacio pa contrata hungadornan nobo. Si no por restructura su finanzas atrobe, e club ta bay ta den peliger di no por registra su hungadornan pa cometi.

Madrid tin un pronostico hopi mas briyante, cu

suficiente espacio pa contrata Mbappe y posiblemente otronan. E club no a haci ningun contrato blockbuster den temporadanan recien y tin libertad pa gasto awo si esey ta loke ta desea.

Mbappe a bisa Paris Saint-Germain siman pasa cu e ta

bay bandona e club Frances fin di e temporada, habriendo porta pa otro intento di Madrid pa contrat'e. Madrid a haci un empuhe grandi pa contrata e strea Frances na 2022, cu un di su ofertanan rechasa pa PSG segun reportahenan alcansando casi 200 miyon euro.

Solamente cuator otro club tin limite di gasto superando 100 miyon euro - Sevilla (152 miyon euro), Real Sociedad (144 miyon euro), Villarreal (143 miyon euro) y Atletico Bilbao (100 miyon euro). Alaves tin e limite mas abao na 31 miyon euro, net tras di e 33 miyon euro di Las Palmas.

Girona, e team sorpresa na Spaña e temporada aki, tin un limite di 52 miyon euro. E club Catalan – controla pa e red City Football Group cu sosten di Abu Dhabi – ta seis punto tras di lider Madrid den clasificacion di Liga Spaño. Barcelona na di tres lugar ta ocho punto tras di e lider, cu Atletico na di cuatro luga 11 punto tras di Madrid despues di 25 partido.

Comision Promove Cultura ta habri inscripcion pa participa den Festival Un Canto pa Aruba su Himno y Bandera Infantil Hubenil 2024

Den nomber di Comision Promove Cultura nos ta anuncia cu un pabien na SMAC pa un tremendo temporada di Carnaval 70. Awor cu esaki ta tras di lomba nos por oficial cuminsa cu e celebracion di nos himno y nos bandera.

Comision Promove Cultura ta anuncia cu Festival Un Canto pa Aruba su Himno y Bandera Infantil Hubenil 2024 ta tuma luga diasabra 2 di maart 2024! Festival su inscripcion ta cera diadomingo 25 di februari 2024, y trekmento di lot ta tuma luga 27 di februari 2024 pa 3:30 PM.

Nos ta anticipando un par-

ticipacion di 10 agrupacion musical y 30 participante pa e di 21 edicion e biaha aki. Tin 4 diferente categoria, cu ta 4-6 aña, 7-9 aña, 10-12 aña, y 13-17 aña! E festival ta pa tur mucha y hoben. Festival ta consisti di diferente ritmo cu un mucha/hoben por participa cune, e ritmonan ta esunnan tipico, cu ta; Wals, Tumba, Mazurka, Polka, Marcha, Tambu, Danza, Bolero, Mambo Arubiano y Calypso. Inscripcion ta digital y esaki ta sosode via nos pagina di Facebook: Comision Promove Cultura via un link of por tuma contacto cu nos riba nos Instagram of Facebook.

Por inscribi solo, duo of trio manera cu a yega di participa

den pasado y gana of cay den finalistanan. Comision Promove Cultura ta recorda tur mayor, lider di banda, coach, mucha/hoben pa tuma tempo pa ensaya y pa asina subi riba escenario y duna tur cu tin. Danki na tur compositor, areglista, y tur musico cu ta laga nos muchanan y hobenan briya riba escenario.

Pa mas informacion por tuma contacto cu miembronan di Comision riba Whatsapp na Norely Marchena +297 660-1377 / Thiara Blanco +297 564-8114 / Lysha Janga +297 741-4545 / Aaron Arenas +31 6 39 80 55 88 of comisionpromovecultura@gmail.com.



“Nos t’ey pa bo” diaranson awo na MFA Noord

Awe dia 21 di februari 5 fundacion ta uni un bes mas pa trece informacion riba e topico di cancer. E 5 fundacionnan ta ofrece y invita pueblo di Aruba pa participa hunto den un charla informativo diaranson awor.

‘Nos t’ey pa bo’ ta un serie di charla organisa den diferente bario pa asina trece tur informacion cu bo ta desea, mas cerca di bo. E 5 fundacionnan a uni pa conscientisa comunidad. No solamente tocante nos servicionan individualmente pero tambe pa den union nos por t’ey pa otro.

Koningin Wilhelmina Fonds, Fundacion Contra Cancer di Prostaat, Mary Joan Foundation, BOB Aruba y Fundacion Coresa ta traha hunto pa den e forma aki por continua duna informacion, conscientisa y tambe duna hermentnan cu por wordo aplica na cas. E fundacionnan aki ta

enfoca diariamente riba prevencion.

Bin scucha ki servicionan tin pa bo persona of pa un familiar of un amistad.

E charlanan: “ Nos t’ey pa bo” ta gratis y no mester registra. Loke si nos ta pidi pa tur hende yega na tempo. Porta ta habri 6:30 pm y nos ta cuminsa 7pm. Nos proximo charla ta Diaranson 21 di Februari 2024 na MFA Noord y esaki lo ta e penultimo charla di e serie di charla aki. E proximo charla lo ta diaranson 20 Maart 2024 den bario di Dakota.

Cada charla lo finalisa cu un bunita testimonio y nos lo culmina e anochi cu un sorpresa chikito. Nos ta invita pueblo di Aruba pa join un di e charlanan aki, kisas esun mas cerca di bo cas. Sin lubida nos kier urgi nos hendenan pa nan traha nan cita pa e chekeonan de salud. No warda, traha bo cita paso nos salud ta cuminsa den nos mes man.



Resultado Sorteo <i>februari 20</i>			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
0621	0308	3869	9458
4127	2585	SUPER5	2184
6281	5887	55626	0307
MERDIA	ANOCHI		
			Joker Letter
Sorteo # 4187	Sorteo # 8175	Sorteo #	Proximo Jackpot
9859	9349	0 x Jackpot	450.000,-
4189	1829	0 x Match 4+	
4526	8024	0 x Match 4	
		0 x Afl. 12,00	
X5	x3		01-09-11-23-27
		Sorteo # 6393	Proximo Jackpot
Sorteo # 4187	Sorteo # 7219	0 x Jackpot	86.000,-
8418	2725	8 x Match 4	
		235 x Afl 8,00	
X2	fp		01-11-15-22
		Sorteo # 1638	Mega Ball 03
Sorteo # 2243	Sorteo # 1924	0 x Jackpot	Proximo Jackpot
8024	2861	1 x match 4	600.000,-
		7 x Afl. 500,00	
Sorteo # 4187	Sorteo # 5978	71 x Afl 50,00	
5578	7094	100 x Afl.15,00	
Leo	Sagitario		Afl. 850.000,-
Sorteo # 1061	Sorteo # 908	Sorteo #	
274	243		
FP	2x		



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Trupiaal San Lucas
Tel. 583 8560 Tel. 584 5119
EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

Aruba Transfer Tour & Taxi C.A.
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba

Tel: 587-8850
Tel: 280-2828
Whatsapp: 592-7024

Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**

Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

Gruponan uniforma cu meta comunitario ta wordo invita pa participa den desfile nacional

Pa medio di e comunicado aki Comision Celebracion Dianan Nacional (CCDN) ta informa cu e aña aki un biaha mas lo organisa e desfile nacional di gruponan uniforma riba Dia di Himno y Bandera 2024 dilanti Plaza Libertador Gilberto F. 'Betico' Croes despues di e acto protocolar dia 18 di maart 2024 proximo.



E desfile aki ta pa duna reconocimiento na nos gruponan uniforma cu ta traha na bienestar y tambe na desaroyo di nos hobennan den nos comunidad manera scouting, gruponan gubernamental uniforma, gruponan di de-

porte uniforma y gruponan di baile den trahe folklorico. Desde awe por registra pa participa y ricibi e formulario di inscripcion via nos e-mail adres ccdn@cultura.aw y tene na cuenta cu e ultimo dia pa inscribi ta diabierna 1 di

maart 2024 pa asina e comision por planifica e logista di e desfile corectamente. Mes- ter informa cu no ta permiti bestia y tampoco vehiculo di motor den e desfile. Pa tuma contacto mas lihe por What- sapp na +297 562-9129.

Open Dag na Colegio Arubano

Den fin di siman diasabra, 24 di februari, Colegio Arubano lo tene un 'open dag'. Di 10.00 te 13.00 e portanan lo ta habri pa tur hende cu kier cera conoci cu scol. Esaki ta interesante pa muchanan cu ainda no ta bin Colegio Arubano, pero cu den futuro lo kier bin e scol. Naturalmente, mayornan tambe ta bonbini.

tur alumno di examenklas di mavo y kier sigui nan carera escolar na Colegio Arubano den havo 4 of vwo 5.

oportunidad pa haci pregunta tocante tur cos relaciona cu scol. Ta priminti di bira un dia emocionante.

Banda di e materianan lo muestra durante e 'open dag' actividadnan extra escolar. Lo tin diferente presentacion y un show di baile. Tambe lo tin

Pa mas informacion, tuma contacto cu Sr. Tim Croes, rector di Colegio Arubano via e-mail: tim.croes@colegioarubano.aw.




Pronostico di tempo

Tempo:

Awe tardi y awe nochi: parcialmente nubia y seco
Den marduga y mañan: parcialmente nubia y generalmente seco

Biento:

Modera for di direccion oost te noordoost;
Forsa 3 te 4 (12 te 30km/ora, 7 te 16 nudo).
Durante di dia basta fuerte te posiblemente fuerte den rafaga; forsa 5 te 6 (31 te 50km/ora, 17 te 27 nudo)



Temperatura maximo 32 grado Celsius
Temperatura minimo 26 grado Celsius
Indice di calor (heat index) den y rond di oranan di merdia: 33 pa 38 grado Celsius
Uv index: 8

Situacion general di tempo:

Un atmosfera seco y stabiel ta stroba desaroyo di nubianan cu por produci awasero. Sinembargo, den proximo dianan lo bay tin un aumento leve di humedad den nivelnan mas abou di atmosfera y esaki lo haci e chensnan pa awasero un poco mas miho.

Condicionnan maritimo/ estado di lama:

Na partinan protege di costa: keto, rond di 1 pia.
Na partinan zuid: trankil te modera, entre 2 pa 3 pia.
Na partinan oost te noordwest di costa: generalmente modera cu olanan di 4 pa 6 pia.

Bahada di solo : 6:47pm
Subida di solo : 6:59am

Lagrima y flor por seca, su recuerdonan y tur loke
E la haci pa nos lo keda graba pa semper
den nos mente y curason.
"Cerca Dios mi alma ta na paz
di dje mi salvacion ta bini"
Salmo 62:1



Cu profundo tristesa den nos curason, pero agradecido na Señor
pa tur locual e la haci y significa pa nos, nos ta anuncia cu a bay
sosega den brasa di Señor, nos mama, ruman y tanta stima:

**Sra. Vda. Anna Maria Croes – Croes
Mihor conoci como "Ina"**

21-11-1935 - 17-02-2024

Viuda di Juan Octaviano "Bito" Croes



Na number di su:

Yui: Ivan Croes

Stima manera yui: Tico Boekhoudt

Mayornan: † Porfilio Croes y † Jacintha Croes-Paesch

Ruman nan: † Alejandro y † Catharine Croes- Werleman

† Louis y † Stevanita Croes- Erasmus

† Antonia y † Willem Lampe - Croes

† Geronima y † Virgilio Kock - Croes

† Asinto y † Selustiana Croes - Limonier

† Bertran y † Sebastiana Croes- Kock

† Candida Croes

† Maria Theresita y † Liberato Boekhoudt- Croes

Sabina Croes

† Antonio y † Angela Croes-Henriquez

Alicio y Flora Croes-Loopstok

Swa: Rudolf v/d Biezen

Suegro/a: † Hendrik y Nemesia Croes y tur jui nan defunto

† Rosa, † Delicia, † Frans, † Jossy, † John, † Chin,

Sobrino nan: vda. Maria Loeftop y familia

vda. Irena Ras y familia Imelda Lacle y familia

Deta Croes y familia Greta Rijke y familia

Cristina Croes y familia Mena Croes y familia

vda. Rita Lacle y familia Chia Kock y familia

Lena Lampe y familia Deta Croes y familia

Dita Croes y familia Pina Boekhoudt y familia

vda. Lucia Croes Aurita Thiel y familia

Anchi Trimon y familia Iris Boekhoudt y familia

Ivonne Boekhoudt y familia Edna Boekhoudt y familia

Lilian Paula y familia Shirley Ridderstap y familia

Miluska Koolman y familia Melissa Croes

Sobrino nan:

Diego Croes y familia † Frank Croes

† Theo Lampe y familia Frank Lampe y familia

Michael Lampe y familia † Win Lampe y familia

Felix Croes y familia † Tico Croes y familia

Tico Boekhoudt y familia Alwin Boekhoudt y familia

† Esy Boekhoudt y familia Harold v/d Biezen y familia

Juni v/d Biezen y familia Erol Croes y familia

Manera su sobrino/a pa bandi "Bito":

Ivonne Tromp y familia Aureen Werleman y familia

Miriam Alders y familia Wimpy Croes y familia

Henky Croes y familia Sonny Croes y familia

Buchito Croes y familia † Tica Martijn y familia

† Nando Croes Johnny Croes

Marcia Croes y familia Richard Croes

Mariela Vlinder y familia Betina Croes

Iha nan: Irena Ras, Lada Ruiz, Benny Wernet, Melissa Croes

Amigo/a di cas y aprecia: Maria y Juan Wernet y familia, Ivonne y Edwin Tromp y Betina Croes

Primo/a nan, sobrosobrino/a nan, comer y compernan, familia na Hulanda y Merca, bisiaña, amiga/o, Grupo di oracion Carismatica y Legion di Maria Paradera y demas conocirnan,

Demas familia: Croes, Paesch, Croes, Erasmus, Lugo, Morel, Yarzagaray, Leo, Lampe, Kock, Boekhoudt, Limonier, Henriquez, Loopstok, Loeftop, Ras, Lacle, Rijke, Kock, Werleman, Thiel, Trimon, Paula, Ridderstap, v/d Biezen, Koolman, Tromp, Werleman, Alders, Martijn, Vlinder.

Ta invita na acto di entierro, cual lo tuma lugar Diasabra, 24 Februari 2024 di 2'or pa 4'or atardi saliendo for di misa Santa Filomena pa Santana Catolico Pastoor Kraanwinkel na Paradera.

E resto mortal di "Ina" lo ta reposa for di 2'or di atardi den misa Santa Filomena na Paradera. Oportunidad pa condolencia: Diabierna, 23 Februari 2024 di 7'or - 9'or di anochi

na Olive Tree Funeral Care & Crematory na Piedra Plat

Nos ta ofrece nos disculpa si den nos momento di tristeza nos por a lubida di menciona un of mas familia, amigo/a of conocir.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Dios ta amor... y amor ta Dios,
maske mi no ta na e mundo aki, tur dia lo mi
ta banda
di boso Curazon, mi por stens di loke Señor
ta hasi"
Salmo 33

Cu inmenso tristesa na nos curason nos ta
anuncia fayecimento di nos tata, welo, ruman,
omo y padrino stima:



**PEDRO FLORENCIO
DABIAN**

Cariñosamente yama: "Chuf di
Rooi, Rufo of Opa Poef"
*07 November 1943 - †15
februari 2024

Na number di su mayornan:
† Carlino Dabian y † Remigia Dabian-Albertsz.

Yiunan:
Ghislain Dabian
Daymond Dabian y Lilly Dirksz
Julisa Dabian
Angel Uriel Mathilda

Nieto y nietanan:
Kylan Dabian
Jélie Bislip
Dyron Dabian
Jesszady Dabian
Arziany Tromp
Cheydeah Ignatia

Rumannan:
† Pedro Willems y Maria Willems-de Cuba y yiu.
† Elma Dabian.
† Theodoro 'Dotty' Dabian, † Emma Croes, yiunan y familia.
Abelino 'Belin' y Sira Dabian-Lampe, yiunan y familia.
Margarita 'Sonia' Geerman-Dabian y † Cristobal Geerman.
Lucindo 'Lu' Dabian y Carmen Dabian-Willems, yiunan y familia.
† Angelia Emiliana 'Lita' Dabian.
† Greta Dabian.

Subrino y subrinanan, primo y primanan, ihanan,
amigo y amiganan, comer y compernan.

Un danki enorme ta bay na ayudante Mari Ojeda Borges
y Cas di Cuido Fundacion Paraiso pa a cuid'e.

Su ex-coleganan di Departamento di Labor, The Palm
Tours, Colegio Arubano, ex-team di futbol Atlantico,
ex-team di domino Noord Stars, bisiaña y conocirnan.

Demas familia: Dabian, Albertsz, Mathilda, Bislip,
Tromp, Ignatia, Dirksz, Willems, de Cuba, Croes,
Lampe, Geerman, Faro, Dijkhoff, Kock, Infanzon, Baris,
Vilchez, Luidens, Blonk, Zavala, Cardenas, Phillip.

Nos ta invita pa asisti na e acto di entierro cual lo tuma
lugar diabierna 23 februari 2024 na Misa Inmaculada
Concepcion na Santa Cruz pa 2or di atardi. Despues lo
sali pa Santana Catolico na Santa Cruz.
Ocasion pa condolencia ta na Aurora Funeral Home
diahuebs 22 februari for di 7:00pm-9:00pm.
Despensa nos si den nos tristesa nos por a lubida un
familiar.
Nos disculpa cu despues di entierro nos no ta ricibi
bishita di condolencia na cas

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Laga tur loke ta spera mi ta bunita
Laga tur locual cu mi encontra na
caminda ta bunita
Laga tur locual cu mi laga atras keda
bunita y
Laga esakinan termina den tur bunita.
Autor: Cado Wever.

Nos ta anuncia fayecimento di:



Mariela Granada Garcia

Cariñosamente yama "Tanchi of Tanchi
Jela"
VDA. di Wever
*27-09-1949 - † 01-02-2024

Acto di despedida lo wordo anuncia
despues



Dia 31 di maart ta e fecha final pa entrega e ‘verzamelloonstaat’ y ‘verzamelstaat opgaaf derden’ entrante aña calendario 2024

En conexion cu cambio di ley

Departamento di Impuesto ta recorda cu e fecha final pa entrega e lista colectivo di salario (verzamelloonstaat of VZL) y e lista colectivo di pago na tercera persona (verzamelstaat opgaaf derden of VOD) ta 31 di maart.

Den añanan anterior, e fecha final tawata 31 di januari, pero a bin cambio di ley y awor tur aña e fecha final ta 31 di maart. Pa e listanan di aña 2023, e fecha final ta bira 1 di april 2024 debi cu 31 di maart 2024 ta cay den weekend.

Tur doño di trabou of comerciante mester entrega e listanan menciona den forma

digital via e portal ‘BO impuesto’ di Departamento di Impuesto. E “verzamelloonstaat” y e “Verzamelstaat opgaaf derden” di aña 2023 ta disponibel den e portal e portal ‘BO impuesto’ entrante 1 di februari 2024.

Si un doño di trabou of comerciante no ta registra como usuario den e portal menciona, lo mester haci esaki mas lihe posibel. Pa registra como usuario di e portal mester haci un cita via:

https://www.impuesto.aw/afspraak_maken_met_DIMP
Si un usuario no ta logra log in den e portal, e mes por cambia su password via e pagina di log in di BOi. E ta scoge “Password vergeten”

of “Wijzig password” y sigui e instruccioannan. Si acaso no ta logra, e usuario por manda un e-mail na boi@impuesto.aw of yama 522 7437.

E doño di trabou of comerciante por yena e datonan rekeri den e portal mes of por scoge pa upload e file XML cu ta wordo produci door di su programa di payroll. Alabes tin e opcion pa uza e MS Excel filenan di Departamento di Impuesto cu yama “e-Verzamelloonstaat” y “e-Verzamelstaat Opgaaf Derden”. Por baha e filenan aki for di e website di Departamento di Impuesto Loonbelasting | Departamento di Impuesto. Ta bon pa tene na cuenta cu no ta posibel mas



pa entrega un USB-stick of manda e filenan via e-mail.

Departamento di Impuesto ta conseha tur contribuyente pa cumpli na tempo debi cu no ta bay tin prolongacion di termino. Keda sin entrega e

‘Verzamelloonstaat’ of e ‘Verzamelstaat opgaaf derden’ di aña 2023 lo por nifica cu e contribuyente lo por ricibi un cobransa adicional (naheffingsaanslag) inclui boet di Afl. 10.000 maximo.

Estudio Basico pa bira Agente di Wardacosta ta habri pa inscripcion



Hoben, bo kier bira Agente di Wardacosta pa proteha bo pais? Bo kier yuda salba bida di hende y juda intercepta botonan cu ta trece mercancia ilegal Aruba? Wardacosta ta informa hobennan entre 18 y 25 aña, cu tin e ambicion pa bira Agente di Wardacosta, pa inscribi nan mes pa e Estudio Basico pa bira Agente di Wardacosta (Basis Opleiding Kustwacht, BOK).

E estudio basico ta un pro-

grama di estudio cu un duracion di 1 aña cu vaknan practico y teoretico, incluso un training pa bira Agente Policial Extraordinario (Buitengewone Agent van de Politie, BAVPOL). Tanto hobennan masculino como femenino por inscribi pa e estudio di BOK.

E estudio ta start den augustus 2024 cu un periodo di introduccion, asina yama ‘SamenSterk’. E meta di e periodo ‘SamenSterk’ ta cu e aspirant durante e periodo aki, lo



crece tanto fisicamente como mentalmente y ta cera conoci cu e organizacion di Wardacosta. Durante e estudio e aspirantnan ta ricibi habilidadnan basico, di entre otro EHBO (“first aid”) y training cu arma. Tambe educacion noutico y vaknan di training basico di ekiponan di rescate, paga candela, legislacion di Wardacosta y manual di radio VHF, cualnan ta forma parti di e pakete di e estudio BOK.

E condicionnan pa inscribi ta cu bo tin nacionalidad Hulandes, y cu bo ta inscribi na Aruba, Corsou, Sint Maarten of islanan BES y cu bo tin entre 18 y 25 aña di edad, na inicio di e curso. Tambe bo mester tin minimal un di e siguiente diplomanan: MAVO-4/ VMBO/VSBO-TKL/ L.T.S/ T-stroom/ EPB-door -stroom/ EPI of un diploma ekivalente na educacion secundario, cu bo tin un

diploma di landamento, cu bo por lesa y skirbi Hulandes, tin un bon condicion fisico, cu bo no ta bisti bril of lens y cu bo no tin un ‘strafblad’.

Si bo ta interesa den e estudio, bo por bishita e website di Wardacosta via werkenbij.kustwacht.org Aki bo por sigui e link pa yega na e formulario di inscripcion. Inscripcion ta cera 1 di mei 2024.

S.V. Bubali reunion general 2024 ta tuma lugar 21 februari 2024 na BSC

Pa medio di e comunicado aki directiva S.V. Bubali ta recorda tur su miembronan pa ALV 2024. Pa es motibo Directiva ta invita bo (so) persona pa un reunion general 2024 cual lo tuma lugar diaranson 21 februari 2024 pa 7:00pm na Bubali Sport Club.

Presidente lo habri e reunion pa 7:00pm y den caso cu no tin quorum lo sera e reunion y habri e reunion bek riba e mesun dia pa 7:30pm. Si pa 7:30pm no tin quorum reunion ta sigui normal y tur decision lo ta valido. Puntonan di agenda: 1. Apertura; 2. Aprobacion Notulen ALV

2023; 3. Palabra di Presidente; 4. Relato di Secretario; 5. Relato di Tesorero; 6. Informacion FBSC; 7. Eleccion di Presidente; 8. Eleccion di demas miembro nan pa directiva; 9. Plannan pa 2024; 10. Turno liber; 11. Clausura.

Directiva ta informa tur may-

or, miembro, personan cu tin Bubali na curazon y personan cu no ta miembro y kier bira miembro y juda den directiva, comision, voluntario of kier train un team di muchanan pa futbol, por tuma contact cu un miembro di directiva. Pa por postula pa President of miembro directiva mester ta

por escrito ultimo dia pa por hasi peticion ta 18 Februari 2024 via e-mail na svbubalisportclub@gmail.com of bubali@avbaruba.com. Nos ta pidi tur miembro pa bin pa pone nan miembrecia al dia asina pa por tin derecho di voto.

Cas Blanco ta priminti ‘sancion grandi’ contra Rusia a causa di Alexei Navalny su fayecimento

(AP) - E Cas Blanco ta bisa cu nan ta preparando “sancionnan grandi” adicional contra Rusia den respuesta na e lider di oposicion Alexei Navalny su fayecimento den e colonia penal Arctico.

Consehero di Siguridad Nacional Jake Sullivan a bisa cu e sancionnan, prome cu e 2 aña di aniversario di e invasion di Rusia na Ucrania, “lo ta un pakete substancial cu ta cubri un rango di diferente elemento di e base industrial di Rusia ademas di fuente nan di ganashi pa e economia Ruso cu ta duna poder na Rusia su mashin di guerra, Rusia su agresion y e poder di Rusia su represion.”

Consehero di Siguridad Nacional John Kirby a bisa diamars cu Merca no a determina con Navalny a fayece pero a insisti cu e responsabilidad ta den man di Putin. “Sin importa e contesta científico, Putin ta responsabel pa esaki,” el a conta reporteronan.



E Departamento di Tesoreria a nenga di comenta riba e detayenan di sancionnan binidero. Brian Nelson, e departamento bao Secretario di Terorismo y Inteligencia Financiero, ta den Europa

e siman aki pa sigui traha riba sancion di Rusia prome cu e aniversario di 2 aña. “E coalicion global imponiendo sancionnan riba Rusia su mashin di guerra a tira den santo e esfuerzonan di Krem-

lin pa ekipa y provee pa su ehercito. President Biden recientemente a expande e Tesoreria su autoridad pa inclui esunnan cu ta funda Rusia su esfuersonan di produccion di guerra, hasta si nan ta den pais-

nan tercer mundista, y nan ta agresivamente bayendo den contra di esunnan cu ta purba evadi nos sancionnan,” e departamento a declara. “Sancionnan multilateral y controlnan di exportacion a causa daño na Putin su habilidad di proyecta poder awo y den futuro.”

Expertonan di politica tin un arsenal avansa di proposicion cu tin e meta di kita placa for di Rusia cu e tin mester ma continua cu su invasion, for di confisca fondonan di Banco Central cu ta mas tanto warda na Europa te na baha e prijs di petroleo Ruso den Group of Seven.

Un reportahe for di International Working Group tocante sancionnan contra Rusia na Stanford University ta haci yamado pa sancionnan mas pisa den Rusia su mercado di energia, for di baha e rijs actual di 60 dollar te na 30, ademas di completa e prohibicion di EU y G7 riba hidrocarbon Ruso.

Merca ta blokia resolucion di ONU exigiendo un alto al fuego humanitario na Gaza



(AP) - Merca riba diamars a blokia un resolucion cu sosten di ONU cu ta exigi un alto al fuego humanitario inmediato den e guerra entre Israel y Hamas na Gaza Strip, bisando cu e lo interferi cu negociacionnan pa libera rehennan cu ta secuestra na Israel.

E voto di 15 miembro di e

Conseho di Sigurdad tabata 13-1 cu Reino Uni absteniendo su voto, reflehando e sosten fuerte di paisnan rond di mundo pa caba e guerra di mas di 4 luna caba, cual a cuminsa cu invasion di militantenan Hamas na Israel. Desde e tempo aki, mas di 29,000 Palestino a fayece den Israel su ofensiva militar, segun Gaza Health Ministry cual ta bisa

e gran mayoria tabata hende muhe y muchanan.

E tabata e tercer blokeo Mericano di un resolucion di e conseho di siguridad cu ta exigi un alto al fuego y a bini un dia despues cu Merca a circula un resolucion vital cu lo sostene un alto al fuego temporario na Gaza relaciona cu e liberacion di tur rehen y

un yamado pa kita tur restriccion di entrega di ayudo humanitario.

Practicamente tur miembro di e conseho, incluyendo Merca, a expresa preocupacion serio pa cu e catastrofe pendiente den Gaza su ciudad di Rafah, unda mas o menos 1.5 miyon Palestino a busca refugio, si e Prome Minister di Israel sigui cu su plan di evacua e ciudadanonan for di e ciudad y move Israel su ofensiva na e area cu tin frontera du Egipto, unda Israel ta bisa cu e militan-

tenan ta scondi.

Prome cu e voto, Algeria su embahador aamar Bendjama, e representante Arabe den e Conseho a bisa cu e “resolucion aki ta para pa berdad y humanidad ta para contra e personanan cu ta boga pa asesinato y odio. Un boto na favor di e resolucion aki ta sostene e Palestinonan su derecho na bida,” el a comenta. “Di mesun manera, vota den contra di esaki ta implica sosten na e violencia brutal y e castigo colectivo den nan contra.”



Atake contra barconan y dronenan Mericano ta muestra cu Houthinan por lucha ainda

(AP) - Apesar di tironan aereo di un luna lidera pa Merca, Yeme su rebelde nan houthi te ainda ta capas di lansa atakenan significativo. E sinan aki, nan a causa daño serio na un barco crucial y a tira un drone Mericano cu tabata bal miyones di dollar.



E agresion continuo di e houthinan riba importacion y exprotracion via e corridor crucial Red Sea banda di e guerra entre Israel y Hamas na Gaza Strip ta enfatisa e desafionan den purba di stop e atakenan estilo guerrilla cu nan a usa pa mantene control di Yemen su capital y mas di e pais den guerra desde año 2014.

an largo andando caba cu varios aliado Mericano den e region. Analistanan ta adverti cu mientras mas e atakenan Houthi sugui, mas e riesgo tin cu esaki lo cuminsa stroba exportacion internacional y afecta e economia global.

E campaña a aumenta e rebeldenan su posicion den e mundo Arabe, apesar di nan abusonan di derecho humano den un guerra cu tin añan-

Riba dialuna, ambos Houthinan y oficialnan di Oriente a admiti cu un di e atakenan mas serio riba exportacion a ser lansa pa e re-

beldenan. E Houthinan a ataca Rubymar cu dos misil anti barco y un a dal contra esaki, Merca su central di comando militar a reporta. Rubymar, cual a reporta problema cu su propulsion den november, aparentemente no por a opera mas cual a obliga e ekipo bandona e barco.

Vocer di ehercito Houthi yahya Saree a declara dialuna anochi cu Rubymar a hundi.



Sinembargo imagennan di satelite a muestra cu Rubymar tabata ariba ainda. E atake contra Rubymar a marca un

di e tiki atakenan directo y serio di e rebeldenan Houthi riba exportacion.

E sospechosonan di un secta na Kenya ta ricibo ordo di ser hospitalisa despues di un welga di hamber

(AP) - Un magistrado di Kenya a ordena e sospechoso principal di un secta y su 94 miembronan ricibi cuidu di emergencia

despues cu algun di e sospechosonan mester a ser carga dentro di e corte, pa contesta na acusacionnan di homicidio involun-

tario, demasiado debil y no "por a ni mantene nan wowonan habri" despues di un welga di hamber.

Na corte di Mombasa, Magistrado Hefe Alex Ithuku a dirigi Paul Mackenzie, su casa Rhoda Maweu y otronan acusa di 238 incidente di homicidio involuntario ser hiba hospital pa un examinacion di docter inmediatamente. E sospechosonan visiblemente malo a declara nan mes inocente den tur acusacion, cual a ser lesa durante 4 ora y mey.



Lider di e secta Paul Mackenzie y algun di su siguidornan a ser culpa pa e fayecimento di 429 miembro di su misa Good News International Church, varios di nan kendenan a laga nan mes pasa hamber den e creencia cu si nan haci esaki nan lo por topa cu Jesus prome cu mundo caba. Esaki a tuma luga entre januari di año 2021 y september di año 2023 na Shakahola segun e fiscalnan. Ithuku, ken a bishita e sospechosonan su cel den corte, a bisa cu despues cu el a observa nan, algun di nan no por a ni lanta of habri nan wowo, pues el a haci e yamado pa nan ricibi tratamiento inmediatamente.

investigadornan cu Mackenzie a bisa nan pa haci yuna te ora cu nan muri prome cu mundo caba. 4 di e 15 a fayece despues cu nan a ser hiba hospital.

Autopsianan checuta di algun di e curpanan haya den e tumbanan a muestra cu nan a fayece a causa di hamber, strangulacion of sofocacion. Kenya su patologo hefe di gobierno Dr. Johansen Oduor a bisa siman pasa cu gobierno lo sigui cu e busca y recuperacion di e curpanan for di Shakahola Forest cuminsando maart.

E curpanan a ser descubri den decenas di tumba na un cunucu di 320 hectare conoci como Shakahola Forest. E tumbanan a ser haya despues cu polis a rescata 15 miembro di e misa kendenan a conta

E buskeda a ser para pa asina por haci e autopsia y analisis di DNA di e 429 curpa cu ya caba a ser recupera, Oduor a bisa.

LOOKING TO EARN EXTRA INCOME?

COMMISSION AGENT

Requirements

- Driving License
- Flexible hours
- Take initiative
- Ability to remain calm in stressful situation

Ready to earn extra income?
Email us today at Jobs@unicon.aw

